

抱
冲
齋
詩
集

抱冲齋詩集卷二十二

長白 斌良 笠耕

雁門迴轡集一

九月廿八日胡家屯奉到

諭旨赴陝西讞案恭紀

謹案原旨赴陝旋命折回晉省查辦事件

正趨宣鎮趙星輶忽奉

綸音下紫霄分陝重臣資碩畫渡河輕騎逐寒颿雲開華嶽蓮
峯聳日射潼關玉壘遙幕府贊襄材謫陋許乘官馬

湛恩邀

隨帶司員亦準馳驛

廿九日自胡家屯折回仍向懷安縣進發路經果園

遠嶺朝光媚衝寒策馬搗雪凝黏石葉溜急漱冰花傳舍行還
記歧途認未差紅塘溝畔水兩度澣征車

重過武玉寨山行卽目

朝暎射煙樊，迤邐度深杳。蒙茸稀葢敷，叢密象風篠。窟匿少潛
猱，格磔凍啼鳥。雲開巖飛藁，山高看寺小。淺揭鷓子川，觸崖波
浩淼。厥名果園坊，凌冬懸實少。欲向阿蘭游，星程趨須早。圖經
雖略觀，古迹未深曉。下馬摸殘碑，欲讀字難了。

渡紅塘晚抵懷安縣重宿衙齋

鞭絲遙指處，雉堞夕陽西。嵐翠濃堆黛，川流暖坼泥。草橋駝拱
背，石磴馬翻蹶。重向衙齋宿，高牆覓舊題。

何明府

承緒

邀食香菰

鳳尾連山筍，麝香蘇韞自笑老。饗狂羸官匏，繫燕雲冷雋味。銜
前約細嘗。

懷安道中

暖黛浮嵐色淺深
泥融喜少勃塵侵
時清莫漫輕關隘
形勝還推洗馬林

東流修水匯南洋
雪浪苔磯兩激昂
寥落衛屯荒草合
停驂何處問鴈房

茶笏書囊載復過
磨牛陳迹肖騰梭
趁趨小隊渾如畫
殘雪疏林燕尾河

村姑被禊約同儕
桃李霞蒸錦繡堆
怪底鴉頭羅韞溼
踏青花姐廟邊回

果園欲登懸空寺未果

依崖牢結構金碧
壓嵯峨登頓偏無暇
流連喜足多雲衣
涼壁絮佛髻翠旋螺
輪與餐霞客棲神
味太和

夜宿大鎮縣雪

古縣迴居夜剛逢雨雪霏粉綴樺嶺瘦絮裹柳條肥入地蝗應
盡穿林蝶亂飛何曾誇白戰禁體學幾微

大雪由天鎮縣起程肩輿中寫望感懷

宣和范寬風雪圖粉墨蕭瑟絹素巍乾坤恍貯玉壺裏臆度斯
景人間無竭來奉使雲中都皇華載咏四牡驅關形陡絕愁倒
馬塞垣遼闊誇飛狐天成古鎮偶信宿重衾潑水寒凝膚侵晨
冒雪歷郊坳光搖銀海指清臚兜羅錦裹大千界坦夷王道無
歧途一叢煙薺聚村落冷絮黏著無纖枯因知造化弄狡獪漫
空花片鵝毛鋪鹽絮陳言嗟謝女尖叉險韻吟髯蘇昨者馳驅
雞鹿塞鴈門郡紛纒翦水縈塵區賢勞我獨事鞅掌衝寒跋
涉關塞逾有人鳳閣正歡賞豐貂座擁圍紅鑪錦箏行炙黨氏

寔茗柯清話陶家奴我胡爲乎日羈旅面目皸瘃身勤劬解嘲
忽爾發狂嘯井蛙見小曷牽拘往時春明值快雪韋曲拉伴頻
招呼江亭地接龍樹院都籃共載聯清娛地偏未免眼界隘煙
嵐隔斷城南隅殷轡車騎度林樾參差雁鷺穿菰蒲爭及雲中
景雄放須彌芥子相懸殊石梯屨顏臥鷹峙石梯臥鷹皆山名玉龍蜿
蜒攢靈株我聞天鎮城南擅奇景盤山巖壑相縈紆唐時尉遲
手植柏虬枝拗折冰霜俱濤聲謾瑩清聽空山何處奔江湖
盤拏積鐵偃枯枿瓊瑤亂綴蒼龍鬚身披鶴氅拄柳栗碧陰醉
倒懸壺廬寒鴉點墨尾畢逋遙睽飛起將其雛衡雲叫破蜃樓
見昌黎玉局同羈孤鷲然發奇想箋天願或如理之所有言之
非誣霄漢繪出鷺溪三百里竹弓彈粉黃鶴山樵夫扶桑大蘭
造成赫蹠千萬丈故遣滕六渲雲沆粉爲描摹朋儕試問然否

乎噫噫乎朋儕試問然否乎

雪後三十里鋪早飯

沈粉光搖眼界開
屏除鹽絮是真才
鎔銀地淨褰裳渡
削玉峯銛劈面來
素萼漫教風翦掠
清詞休待雨絲催
一甌豆粥勞供給
草草盤筵濁酒杯

重過陽高縣望羣山殘雪

輿夫衝淖步蹒跚
瘦轍縈紆路百盤
野水亂流黃葉渡
夕陽倒射玉峯寒
星羅古壘看猶記
斗大孤城住亦難
料是天工慰羈旅
粉摹滕六送圖看

復至大同

浩淼周川控上游
千年形勝壑金甌
怪他天水初謀錯
輕割燕雲十六州

大同重陪劉總鎮崔太守黎明府

雪浪興雲渡重過握手時面纔三日別驛許兩番馳酒氣鐙前
寒霜痕鬢上絲來朝休悵望聚散總難期

偶於舊書見少時題句感懷

偶看書腦塗鴉黑觸撥青鐙十載情只覺見時行可羨須知老
態耄將成功名味比餐雞肋文字緣偏肖馬卿手把菜萁還自
慰勉旃晚節定崢嶸

晚抵岱岳

向夕飄風定溟濛暮靄昏瓜堆雲疊岸桑水浪搖村地僻知官
貴民肥喜稻存登高心有戒頻問雁關門

晚抵廣武舊城

薛家傍園圖俗書人莫識臆度景荒率偏欣榆棗植馳驅小陽

邁躑栗吹飄風灌耳聲刁騷牛鳴深窳同雁峯日夕佳晚曛
山氣爨煙出饋餽一白遮大地驚沙飛眯目輿臺風帽偏御笑
官驛柳都學漢宮眠崢嶸認古巖傍崖築農屋行隨接翅鴉暮
向山根宿今日廣武城明發雁門道風磴積層冰柅車須及早
拂塵入驛舍差喜日未曛職忝竊秋曹相將依白雲

渡桑乾河

黃塵蓬勃盧溝橋記曾跋馬衝寒颯軒然大波儼山立溯源馬
邑千里迢伏流埋鬱暗莫辨如坐甕底心煩焦十月之交月丁
亥郎官奉使馳星軺大河前橫渡復渡冰斷放溜圓珠跳細檢
圖經資考證桑乾派衍心孔昭洪濤山北發源始雲中逕纒鷹
山椒漢時馬邑善無置古郡久廢沈蕭寥洪源七輪館陰厯漆
涪轉韻音諧調涪涪卽桑乾轉韻延鄉雁門雙帶水鮫人分道揚龍鏢

石峪大小木瓜汨白狼堆畔奔銀潮粵檣雲朔及宣代交流脈
絡紛支條萬派歸墟匯燕郡百靈辰拱爭趨朝客窗嘯咏腹笥
儉巨川助我吟情饒鞭絲裊處朔風冷雪花掌大攢豐紹昂頭
天外神理超書難盡信徒曉曉桑經鄴注定輪卻我皆身慙彼
意料大書一紙叩河伯漲喧欲答聲瀟瀟

雁門懷古

雁門高聳凍雲端九塞封堪籍彈丸峽入雙陁天一線峯連句
注雪千盤用奇李牧單于遁借箸劉琨白部殘我正垂鞭問遺
迹滹沱幽澗激冰湍

陽明堡

榆柳蔥蘢隱半村峯環句注氣溫暾帽檐猶帶東陁雪有客崇
朝下雁門

夕陽錦纏曳鷲鈴茗弗郵亭味獨馨指點滹沱東去急亂流滑
笏淌冰凌

曉過崞縣

四面雲山繞縣鄆千株桃李抱村隅地仍唐俗民多儉驛傍忻
州客亦愉

元遺山墓

一代才人照汗青韓巖村北葬詩靈跨驢已老并州道野史難
徵贖古亭

遺山墓在忻州韓巖村北

大定明昌事寂寥花甌視草夢痕迢鶴歸唐觀都如昔獨有遺
民恨未消

繫舟山麓幾斜曛頤頤騷情託塞雲一樣錦囊三矢括霸圖差

可儷高文

代州柏林寺藏唐李晉王及莊宗畫像遺山墓與代州相近

夜抵忻州

兩山夾滹沱古邑經忻州觀風勤露冕詢邑命名由緬昔赤帝
子北伐平城陬孤軍困沙漠旌旆七日留逐北入雁門乘甲堆
山邱倉皇六軍還將士咸殷憂纔脫虎狼穴忻慰鮮匹儔雄城
築百雉九塞當咽喉千年生聚繁煙戶魚鱗稠肆盧植檣黎地
名雲水翔鳧鷗披沙采金池山翠延程侯程侯山相傳使
三晉風塵駐行輶扶鳩與驂篠老稚趨偃僂青衿忻使至挾冊
相吟謳農夫忻客來引領停鋤耰匠作忻賁臨丹堊館舍修商
賈忻節駐壺漿相酢酬輿臺忻息肩飽食椎肥牛儉從忻到郡
鐙火迎鳴騶館人忻具饌盤敦羅旨饒偏裨忻耀武鼓角鳴高
秋余忻抵省垣舊雨面可謀謂葉筠潭方伯眾皆大歡喜和氣
團官郵化爲霖雨施萬彙沐澤周迴勝香山叟洛陽蓋多裘

忻口道中和元遺山集中韻

漢闕蒼蘚市迴汀露輞東來喜乍經詠古霜毫詩淡沱衝寒風
帽影伶俜滹沱湍激瑩心白句注嵐迴潑眼青爪雪鴻泥聊記
取雙鬢遮莫唱旗亭

石嶺關懷香禪弟和元遺山舊韻

巡輅怕聽馱鈴聲觸撥縈思棣萼情一障乘邊懷季弟萬峯衝
雪累難兄雁門圖想鐙前繪馬邑源應漲後生幸值詩人摩詰
在晉祠萍合喜編成

王幼海觀察翼宿擬以近集懇序之

陽曲灣感懷和元遺山讀書雪中舊韻

乘傳觀風計亦得不須跋涉愁筋力今年詩卷勝曩年韓潮蘇
海奔腕前禦寒亟沽桑落酒野人獻雉爲余壽雲中句浹記三
過笑倒郵亭幾株柳迴鑣東陟句注巔十八隘口堆睛縣壘峪

纔逾風物別溪鳴鷓鴣冬暄妍甘泉湯沸傳馬井糴稭堆場稻
千頃山茨何物解充虛水引香霏炊麥餅

晚過黃土寨

鼇抃坼坤維地裂未合縫延緣蟻穿珠合喚青雲街
雙巖儼壁立中央路一線只虞塞兩端深藏疑匣劍

出峽將抵太原

入峽復出峽比鄰卽近鄰日翻鴉背影風漾馬頭塵狹路愁方
軌高衙想駐輪晉陽三番過此夕略知津

十月十五日貢院文昌閣瞻禮敬誌

到郡歷五日望舒魄滿盈昧爽起櫛沐齊集環簪纓皇矣梓潼
帝玉座高閎闕潔蠲祀肸鬩握拜羅絜盛伊余通籍早敢希紫
綬榮臣心如白水矢報惟精誠駐節闕棘闈院邃莫與京關防

風不入弊剔玉樣清此地逢秋試多士延髦英同僚相砥礪心
迹皎日晶我來奉星輶按部臨晉城覆盆雪奇冤達隱通下情
察吏劾貪墨黜陟分幽明摘奸發其伏面鐵冰霜橫元直太倨
傲奉先工緣營眉列敘官方入告馳丹楹吾聞唐皋陶肺石司
刑名勘事禮文昌毋迺昧趨迎細繹理則一道契源兼并彰
期至當去取無敲傾衡文與聽訟藻鑑須衡平

登明遠樓

飛薈縹緲臨庭心手拓朱櫺豁素襟矮屋東西文戰接高天咫
尺斗魁臨岫圍嵐影周遮翠琳閣松分一半陰期潔淵衷指電
目肯教雲翳太虛侵

小恙謝客適王幼海觀察

志瀝

以自著澹粹軒詩草並

其伯氏瑪琇山房集見贈柬謝

歲序潛移白髮侵并門駐節動經旬東風將暖池塘夢西日烘晴館解春小恙避暄殊得計高齋謝客漫生瞋機雲才調堪相敵脫手珠璣喜照鄰

冬日并門勘事

小住行臺一月強簿書執掌日殷忙豬肝仲叔爲人累蠲眼東坡共客嘗遠別星郵書鄭重長征裘褐色蒼涼倚閭恐系萱闈念漫說雖游必有方
年來健飯獨誇強得蜜黃蜂也自忙冷眼宦情看爛熟勞身旅况歎深營寒聲遠市因風送夜氣虛堂入幕涼破萼未舒梅信息蟾光潑水一庭方

試院感懷

鵲鑪沈麝篆煙生竿牘無多几席清豪氣肯爲流俗異雄心甘

向至交傾煎茶試院松風細揮翰書堂墨雨橫匡寂正嫌同索處對牀兄弟倍關情

香禪欲寫巴林雪獵圖詩以趣之

醉舞昆吾酒氣麤監州七載客飛狐短衣射虎平生志好寫巴林雪獵圖

兔毛河上雪花狂縱轡彎弧下大荒圖未寫成詩已就風光句裏細斟量

重至太原贈香禪

雲中判袂感華顛祇道相逢動隔年忽漫輶車欣再歷頓教荆樹影重圓晉祠萍合苔岑契風峪碑探翰墨緣試問都盧橦孰掉暗中牽掣總由天

纔從捺鉢返巾車短褐衝霜又別家一障乘邊勞遠宦萬峯積

雪對晨衙庭稀爭訟清塵牘胸貯煙霞燦筆花洗鍊蒼顏珊瑚
傲監州合向玉林誇

抑塞豪情久未磨醉敲銅斗發高歌七年別駕無人薦一月同
袍得我過牧野谷量牲茁壯雁門磴疊雪嵯峨朱轡鷲鼓尋常
物倜儻疇能與仲多

棘堂嚴鏑靜無喧晴旭紅添弱線痕晏坐愚公還隱谷下帷董
子懶窺園詩非易作須勤讀宦未能成且耐煩草木脛柔生趣
足老聃元旨寓卮言

聯翩棣萼媿薇紅吳粵旬宣世澤隆王謝敢誇門第赫邯鄲好
學步趨工虛藏擷秀芸千帙僅有栽梅地百弓漱澗鏡湖何日
乞漁竿辜負釣絲風

十載朝京廩粟糜欲舒驥足惜云遲翺翔雲署心如日鞅掌冰

天鬢有絲下，撰田荒千畝。秫長安局，幻一枰棋。寒香鐵榦，孤標格陡頓。東風合有期。

羊求館解過，從少季氏賢於舊友。生詩草細鈔，書滿幅茗花閒。暇話三更檄，馳憇嶺間。邊警牘按汾陽，報政成品字坐團金鴨。藝相將共結鷺鷥盟。

燒筍烹魚，恣拍浮朋簪。喜盍漆膠投，譚津樺燭頻。看跋寒醜甕，簾懶上鉤後。會亦知天有數，先期預以別。爲憂輕煙瘦，蹇鳴謙驛寥。落平生馬少游。

題王觀察

志澗

晉祠煮茗圖

懸甕山椒碧，玉流風煙一壑鬱。蟠虬葉家春品扶闌側，絕勝西神汗漫游。

鄉夢低徊惹玉煙，華峯孤聳卓青蓮。何時掉臂珠泉麓，滿眺雲

腕手自煎幼海觀察夢中曾書玉煙浮虛四字後過藍田韓子岡適符夢境玉泉院在華山陰水極甘冽堪以煮茗
歛鉢輒鑪取次攜琅琊風調陸盧齊澠淄雋味閒分別此老胸
藏畫水犀

門麥疏渠政治關籃輿小住萬花間閒僧指點灣碕路杖履春

風數往還幼海游晉祠有勞人深住萬花間之句爲時所稱賞

行篋機雲麗句添堦簾疊唱襲琅函花瓷可有蛾眉捧老子須

知興不凡幼海昨將自著澹粹軒詩集并其伯氏千波先生所著瑋琇山房詩集見贈

弭節并門月額過百重堆案日婆娑長生萍苗方冬翠粹腳何

緣叩薜蘿

召棠圓蔭感神君瑞應瑤華九子分談藝康駢增故實白萍新

咏竹垞文長生萍惟晉祠有之朱竹垞有記載暴書亭集幼海守大同時因潛柳泉忽見長生萍眾傳爲德政所兆

載諸郡志

越甌涑水記相羊赴壑蛇驚歲月忙
振觸前塵圖畫裏手標不

覺玉顏蒼

余於庚辰年秉臬關中會於霍州途次
得遇幼海煮茗間話瞥眼已十年矣

陟試院後土山望文瀾湖

紫籐鈎衣穿犖确部裏釜覆如小山
奚童傳道足登頓拉伴乘
興開心顏棘闌帶繞繚而曲短牆倚著當扶闌下帷枯坐儼入
甕幕豁雙眸疑出夢睥睨斜連夕照深勞橈高蘊寒煙重雁門
指點翠微間猶說來時攬飛鞚悠然眼底鞞紋平澄湖裴子誇
文瀾衣香人影大隄曲彷彿上河圖清明柳眠可有佃漁集林
窳堪偕鷗鷺盟偶發狂言述覲縷名勝何憑侈眾口蘭亭梓澤
亦等閒收入篇章景希有使君游目過褰裳此阜圖經傳不朽

題查梅壑仿米襄陽山水小幀

虎兒楚山清曉卷誰其嗣之梅壑翁墨痕都泯絹素黯雲山幕

懸煙冥濛吳興能事師造化經營慘澹羅胸中米堆峯危攢墨
點蒼髯玉立開秋晚一鍼瘦塔聳孤標彷彿鐘沈蕭寺遠觸撥
風塵逐短轅西登句注寒星捫蒲萄綠漲空夢想漁舟何處江
天吞玉林別駕煙霞悅手買殘縑山竹裂羊酪端宜配豉鹽蕭
齋寒具休教設不嫌俗字污縹緗瘠竹香霏幾行列鴉又細展
海岳春浮嵐倒映波生鱗梅翁料亦憐羈旅只寫雙帆不見人
偕同人游崇善寺懷古賦長句五十六韻

白馬開皇寺金人法相新藍輿臨卸砌苔碣撫琳瑯杲日熙停
午華簪集晏申鳴珂馳道入曳履歷階循門敞銅龍啓風高鐵
鳳振曇花紛秘醇瘦柏鬱輪囷肇自山開始爭傳地拓垠恭王
虔薦母蹠氏重祇寺爲晉恭王薦母高后重修洪武規模創蕃釐玉帛陳
迴廊千步市廣廈萬間勻壁繪請天麗蓮敷大地春恆沙齊化

佛火宅幻燒人
婉孌摩登豔
祇洹自在身
珠圓浮性海
葦截渡

迷津清淨菴
羅果倉皇藕
孔因梵鐘沈
二響法目耀
雙輪轉藏

裁車輻函經
列竹籥記瞻
懷郝本郝本有白馬延壽記極其詳晰
練古說吳均

寺藏文殊普賢二像相傳吳道子筆
豈獨壯嚴具
猶多節概真
最憐乾淨土
莫救

股肱臣溯往
崇禎季偏逢
運數屯雁門
傳燧警蟻賊
肆頑器內

草丹書斷前
茅蛇陣淪守
陴聞痛哭戰
巷事艱辛揮
日戈徒奮

轟霆石漫磷
渾身誇是膽
嚼齒恨穿斷
致命心何壯
成仁志本

醕箕乘環白
組甌缺兀黃
巾亮節期無
忝韜鈴迴軼
倫歐刀潛

復壁犀弩伏
承塵運去民
無鬪兵辱令
罔遵鯨鯢兇
未翦羆虎

氣全伸成敗
君休論忠貞
史不泯蜂臺
攢利鏃鴻緹
挂香闌識

協黃來擾軍
撓紫閣臻沃
腥排酒榼遺
臭尙車麟巫
覲春秋賽

烹蒿俎豆禋
堂雖鎮獅象
功可並麒麟
事往雲煙幻
來游歲月

湮霸圖金鏡炯禪味木樨瀟欄圮狡視臥檐荒燕雀馴碑殘書
曼誌誌古孰諮詢蘿帶風絲裊苔錢雨點皴海金師化久山字
額更頻寺僧海金曾刺血書經寺本名宗善僧不能久居憊與家僧山字改名崇善俛仰成今古
蜩蟬視越秦朋儕恣瀟灑臧獲宛相親筦鑰僧綱啓風鐙卒史巡
蓮龕開別院蘭若結比鄰蔬筍攜蠻榼茶瓜迭主賓翱翔過福
地徙倚趁芳晨回憶游燕市探奇傍
御宸宗門闢大覺陽谷陟嶙峋香火緣重結檐帷詠載說紗籠
詩綴錦寶錠燭銷銀古刹懷青豆浮生託白蘋并門偕覽勝覓
句感勞薪

自泰安驛早發晚抵壽陽縣

韞鞍傳舍爛明星風帽衝飈午乍停秦嶺未登還晉嶺史亭已
歷復詩亭元遺山野史亭在忻州昨來時曾嚴霜欺鬢寒凝白

荒草如袍黯不青鴉谷舊傳風物冷凍吟瘦筇益伶俜

詩亭懷古疊和昌黎夕次壽陽驛題吳郎中詩後韻

宣撫才雄河朔安辭鋒辟易劍光塞潰圍計出牛元翼指顧深
州罷練團

八代扶衰接建安齒牙餘慧嚼冰寒受州城畔鞭絲裏未改唐
時玉鏡團

開雲徙鱷未身安識協藍關雪磴寒一箇荒亭羣仰止舊詩輕
拂鮮花團

擺亂春風柳未安小桃春護玉樓寒語林撫拾多無據漫說穠
華蝶陣團

過七嶺

雲際馬蹏響言登煙竹平地羊頭殘雪白魚尾斷霞頰谿壑窺

無竇笙竽戰有聲
王尊叱危坂攀陟動關情

平潭驛

鏗車犂确路弓彎
塵抑冬晴喜溢顏
灘閣漁舟消野漲
囊無佳句愧名山
懸來寒玉疏林杪
馱出烏銀峻嶺間
住草奏書行按部
郵程無計可安閒

平定州懷香禪弟

搏沙萍梗原難料
旬日并門喜共依
憶弟眼爲青嶂隔
思親心共白雲飛
壯懷磊落憑誰訴
傲骨嶙峋與俗違
近贈貂裘堪出塞
一鞭衝雪雁門歸

過南天門

筍輿箇窳凍雲穿
石棧螺梯陟嶺顛
三晉河山歸指掌
雙林訶樹老風煙
青雲忽漫超儕輩
白袷公然學少年
嘘吸近能通帝

座居高跬步懷冰淵

固關

古驛甘桃記往還
巉巖秋抱萬重山
家人知否歸期近
風帽伶俜過固關

夜宿核桃園

涼宵夜走寒
颯細銚缸靜
照窗油閉綠陰青
子悵當時珍簾華
銚曾此地壁間有客題句蕭蕭暮雨愁人意水窗漠漠寒煙閉三五佳期二八年畫樓多少銷魂地

躡屩重過嶺上村
胡桃摘盡賸空園
禦寒我自饒方法
佳釀盈瓶撥火溫

十二月朔重渡滹沱有感

句注尋源雁塞過
沿流振轡涉滹沱
九邊雪漲瓊瑰瀉
千里淵淳玉鏡磨
王霸詭冰通變捷
蕪蕪飯麥効忠多
舊時銅馬縱橫

處極目滄浪下釣蓑

過正定府隆興寺

開皇營構般倂巧梵閣凌霄複道連翠鬢金容天眼鑿白毫香
界相光圓曇花迦葉旃檀合詭甲狎鱗變像全幽邑雲岡泡影
幻莊嚴具足妙青蓮

雪浪石和東坡舊韻

聞說蘇蘇守郡州盆山搜剔濯清流薛皴佛髻青螺骨巖疊
濤白馬頭一品洞天珍席賞九華煙壑玉壺收眾春移置牙牌
識雅匹奇章右相牛

東坡雪浪石在定州城西卽宋韓魏公展春園故址乾隆間將石移入行宮園中

明月店小憩啜茶

嘗茶偶爲住輿籃繞舍楊絲冷霧涵小店共傳圓鏡拓我來偏

值月初三

十二月初七日還家酬應紛紛望日少閒坐自有餘書

屋欣然有作

日歸方七日酬酢太紛紜耳斷馱鈴語門喧車輻輳風塵辭慰藉讌勞酒温醕故物青氈在攤書覓靜因

三秋勞鞅掌未暇課兒曹學適葩經讀身方玉樹高教之須易子後矣愧時髦弓冶他年事多男亦足豪

畫閣呆愚鎖芸窗罨麗垂未成吟雪夜惜已負花時問舊攬詩襟消寒倒酒卮盆梅紅一翦振觸隴頭思

小園貪日涉風景亦尋常亭榭多時別松篁較昔蒼朱簾垂戶闔黃葉積池塘麋鹿休迴避余將學善藏

同懷弟法良校刊

男崇福謹校重刊

抱沖齋詩集卷二十三

長白 斌良 笠耕

粉署趨承集一

元旦春帖子詞

樂靜符真契齋居味道腴
細梅紅一萼想見天地初

辛盤會盛春猶益卯酒顏
醅暖欲融數縷香霏虛室白
六街車鬪輾塵紅

銀罌翠瑄書新藻彩勝金花
照畫梁永初寶洗文呈瑞獻
歲諸多事有祥

過海澱罨秀村將軍廟

澄溪環野寺四面淥
沄沄山黛當門立鐘魚隔
隔聞湔裙逢士女擲
戟笑將軍

石將軍像手拈香花並無干戟

待到韶華麗還來叩竹雲

訪苑丞嵩

阿禮

新居

館舍欣初定黃茅屋幾間土膏宜種竹窗拓卻當山溪鳥休迴
避鄰僧約往還漫嫌塵市擾翠麓近堪攀

春曉覓句廊感興

又見侵階碧蘚肥此身端合臥荆扉拂檐柳漾春初益壓帽梅
芳晚獨歸守默直教防語筭堅持莫使亂心躓心躓踞而不彼
蒼眷厚酬吾願日侍營闈著舞衣亂見楚辭

獨游花之寺

花之小寺豔

今稱三官廟曾資谷
改名花之寺

咸籍聯吟憶昔曾水柳翠涵

官堰溼海棠錦障佛香凝綺羅乍避湔裙侶蔬筍相將洗鉢僧
俯仰隨人安樂法精棹轉處悟初乘

啄木鳥

啄木鳥時啄木鴉青長喙利於錐鳴鳴慣向枯槎啄雙距輕移
行復止電睽圓睛覓蟲蟻貪饕恣飽腹果矣鼓翼跳踉劈空起
漫矜鵝爪意自足雲際攫擊防老鵠

雨後攜畫卷過吳荷屋方伯

榮光

寓齋卽送其之楚

侵晨詣客鳳城西雙轂無聲碾徑泥初霽風光寒意峭溼雲濃
壓杏花低

南海久欽吳季重米船倪閣鑿藏精輒紅攜畫過評品應笑曹
司有逸情

綠漲蒲桃暖未消揚帆江驛雨瀟瀟春明官柳遮行馬別意分

明又瀟橋

向借荷屋官秦中曾在瀟橋餞別送予之河南廉訪任忽忽已十年矣

蒼髯白髮兩人皆蓬華攬祛暢好懷翰墨緣慳書未乞待題顏

額九松齋

子舊藏趙松雪書九種欲乞荷屋作九松齋額適新拜楚方伯之命恩恩就道未及書成爲恨

出宣武門循城河由西便門至盧溝橋寫望

春風何處來
草心忽吹醒
遙灘界裙腰
蒙茸染煙影
昨日復今日
相隔纔一宵
暄寒訝頓異
裘換木棉袍
煦育輕颺薰
客醉激宕馱
鈴引人睡
燕簾柳戶近
清明野馬氤氳
遠山媚湔裙
新水淥温
暎沈溶急溜
通水門青袍
郎署猶依舊
照影還羞白髮痕
車鳴拍拍鷗
驚起乾雪浮
沈一河水蘆鞭
低拂蒼波瀾
蹀躞欣看馬蹏洗

過朱畫叟

鶴年

涵秋閣

經營胡必作
菟裘借景爲
園足臥游
西郭雲籜涵
萬象南宗墨
鏡擅千秋奇
書簾滿教兒
讀旨酒筠香
與婦謀蘆
汶波明人宛
在幾時把臂
共盟鷗

由西便門至盧溝雨後車中寫望

甘膏霏深膏隴侵厚生利用勝黃金
茹茨山農笑抵掌豐登有
穫酬癡想我雖無田喜亦真
輒紅幸少撲面塵花鬚柳眼相
媚嫵襯出濃嵐隔漁浦人言得
句勝得官爵糜朱紫叢髮患何
如披披曳衫袖朗吟驚破春雲
縷

丙舍寫懷

兩宵襍被寄游蹤小住圓庵塔影東
村僻阿誰畱硯匣子未攜硯來村
中借得端硯硯石甚佳驛長獨我挂詩筒
裙腰草色春痕界翠髻山容暮靄
融客路頻年逢細雨輕寒消息杏花中

郊原春

酥雨醒宿麥翠苗隴煙新嵯峨羣玉立
園住高原春鶉鳩嘯
殊不惡扶策相羊偶棲泊無田負郭亦
須歸牆角香并蕪菁肥
出城迎繹堂制軍感興

去年十月還京都朔風刮面驚沙颯零星遺帖積盈寸閉戶檢
點僮蠶如方春雨足扇綠波青陽司令天時和朱鱗穿藻魚動
鏡翠襟翦水鶯穿梭于役載馳非好弄石交契篤邱山重囊書
挾被出都闕遠迓鳴騶攬絲控虹蜺駕溟跨虛溝破曉出城疑
出夢啟

攀恭值

橋陵謁萬騎雲屯出丹闕雨師灑道塵頓清縣尉治塗力空竭
負薪荷鍤紛丁軍濁泥五斗竹畚分張皇曹椽奔如磨淒泮仰
止西郊雲我直曹司斂手版簿笨車羸油蓋偃滑澆衝泥草橋
短桃慙舒紅柳青眼松岡拜埽心追遠旬日重來春未晚

雨後過盧溝

薛滑官橋策馬遲桃花初動雨來時障泥恐被緇塵浣羞對灣

碣白鸞鷲

彌勒院茗憩

蚪松晴翠亞紅牆塔院重過爲乞漿彌勒龕中應我笑楞嚴案
上豈師藏院中村僧素不識字金羈豪客五花馬石鼎寒僧一炷香試向
苾芻尋筆札不妨疥壁晚開堂

游功德寺

大鏡圓光照寺門辟邪對峙學獅蹲瞻

天猶憶遵王路甲申歲查馬還都於寺禮佛無因叩御園妙高

新成未能入滿園瞻像撤舊傳羅刹怖嘉靖中車駕駐此見廟

禮於門外頂祝而已僧神會役木毬奔舊傳寺僧板庵能

坐寺僧宮殿僭踰罪將塑僧神會役木毬奔舊傳寺僧板庵能

像撤去見蔣葵長安客話近在牆東隱謂西方寺僧客話長安試討論

和張詩舲農部題大樹庵碧峯僧巾裹牡丹畫扇

天香繪齊紈持贈阿師瘦偶見富貴身包羅東海袖鼠鬚題鼠
姑藻績儷文繡

鬻女行

辛歲燕京苦亢旱大麥枯焦黍苗短下田兆拆并泥渾驚沙盆
湧風吹面老農貧甚難自給已是炊煙三日斷牽衣有女索朝
餐糊口無方哭聲滿比鄰有婦城中來聞曉過問生憐哀殷勤
代爲畫區策何如鬻女尋官媒老農聞言三歎息欲從不從心
疑猜婦言與若同忍飢何如鬻女生別離別離猶可自存活免
相牽率如囚羈翁媪低回額頰燈手握村娃雙淚落賣汝求生
豈至情飢寒無那相敦迫急借鄰婦出柴荆赤日平西爛金色
官媒聞說城南住綠翦槐陰綰雙戶長眉刷翠笑相迎欲向誰
家覓傭僱爲言舊識好官閤太君八秩頭盈雪慈祥馭下似菩

提送汝高門覓衣食村娃生小慣鄉里乍入華堂含愧恥新名
聽喚尙模糊夥伴遭逢復疑似初猶愁悶漸歡喜城中翻覺逾
家裏殘杯冷炙潤飢腸絕勝糠粃咽難已我聞其事心增悒貧
富雖殊情則一彼雛亦是夫人子鞭撻休加好矜恤撫字須先
達隱情監門鄭俠早圖成長言敢當道人鐸聊採風謠鬻女行

米價

米價連朝益長安不易居清淮逢異漲赤子半爲魚荒禮匡無
策河渠治有書側聞寬大詔吳會賦全除

夜雨坐先春館

通塞原常理騷人漫善愁奇書堪慰夜涼雨獨鳴秋青想濃嵐
潑黃知野菊抽重陽又風雨隨分作清游

重陽雨後感懷用何大復舊韻

今歲重陽節欣逢未別家竹齋杯細把籬落菊初花雨歇煙沈
樹天寒水漱沙去年當此夕于役望京華

竹齋夜讀

短檠靜照讀書堂細熬鵝梨一穗香書法丁朋防誤失眼明亥
豕慎參詳欲追往哲力稽古纔過中年偏健忘星斗在天聲滿
樹深衣夜讀慕歐陽

家祠重葺落成敬賦

憶建家祠五十年重逢辛歲復脩焉敢侈土木矜輪奐為肅蒸
嘗告恪虔誠格藐躬禋允受孝彰孫子慶長縣維馨俎豆齋莊
祝永荷 綸榮奕禩傳家祠創自乾隆四十六年辛丑迄今道
光十一年辛卯適五十一年矣祠內扁
額曹地山先生書綸榮
世澤四字故末句及之

由灰廠至戒臺道中

鞭催小駟陟巉巖石窞灰飛玉雪團忽訝深秋紅樹裏何來積
素徧危巖

由盧家灘問路至灰廠山徑漸狹因捨車乘馬偕樸齋

兄自石佛峪至戒臺山萬壽寺遂宿臨遠禪師方丈
朱霞綺錯橫林木路轉盧灘入幽谷停驂問路賣漿家暴背村
翁坐茅屋亂石巖崎軌轍方礪磔摧輪聞礪禿捨車乘騎陟巉
巖風帽淩兢曳巾幅嵐浮翠醜溼征衫沙淨銀鎔便馬足石呀
臥虎絡蒼藤澗冷驚颺竄叢竹峯疑畫插屏六扇人似蟻穿珠
九曲地經灰廠隱谿坳居民業此蒼崖斲煉石蒸霞玉屑飛恍
訝層巒雪花撲峯腰磴折犖確鏗嶺背林開杉檜簇彳亍纒過
石佛峪低眉菩薩神清穆山中向夕景尤佳飄飄雲衣沈嶺腹
喬柯玉立卓珊瑚霜葉籤排燦紅綠緩策相羊款段行懸巖槎

亞頭幾觸樵擔僧包值往來點綴山容破幽獨村人指點上方
近一杵疏鐘度東麓過橋微笑遠公迎圓澤三生證天竺入門
松籟奏笙竽彈指華嚴見樓閣蓮臺傳戒幼公留寶殿然鐙心
印續榻來趺坐老團蒲閉戶香光猶在目我生百年如寄耳抹
電流光去何速朝參偶罷且逃禪簪絃休教苦拘束莫嫌淨饌
陋伊蒲野藪撐腸勝梁肉老夫頑健幸天憐濟勝具恣吾所欲
白榻擁衾夜雨來青鸞揮塵天花馥松濤淨洗十年忙聯牀喜
共崦嵫宿

夜宿戒臺寺題西禪堂壁

疏鐙耿禪寮光明映窗紙萬籟寂無聲夜氣涼潑水嶺雲孽絮
紛出入衾窩裏披衣正襟坐塵慮淨如洗月黑松影挈天近星
芒咫尺隔院報齋鐘山僧呼客起

戒臺古松歌

潭柘水竹戒臺松燕京古諺傳兒童卅年神往今始到下馬灌
耳洪濤春依巖結構九成起拾級漸歷摩睛空城墻卸砌鏤刻
巧天吳象罔爭奇雄珠宮天際見突兀扶疏珍木瀛壖叢雕闌
接起諸天界菩薩低眉老龍拜高低俯仰列眉班一株一幹何
多態清標義不受秦封貞壽流傳自唐代一株擘麗寶蓋重傍
枝搖曳老幹從恰怪伊誰挈其領宸題表異苔碑礪一松之
而勢屈鐵檐牙高齧森千尺廬嶽黃山豈足多特立參天老鴉
色髯叟也學趺跏盤品重蓮花清淨域一松夭矯龍臥游攫拏
鱗爪凌清秋延津寶劍入地化葛洪仙杖從空投雙睛電睽莫
敢逼剝柯欲撫心夷由崢嶸頭角儼然具爲霖飛去難遮畱獨
有一株品殊眾蜿蜒九龍鱗甲動蒼翳籠煙護法門孫枝旁茁

粗於甄唐宋金元有明洎五朝歷劫知誰種漬粉皮皴那計圍

密葉

鍼攢合無縫陰崖白日走雷霆嘉蔭青陽集鸞鳳

九龍松南枝尤

替翠俗名鳳凰窠

其餘各株饒英姿詼詭難狀造化師獅蹲象伏老蛟

舞瘁鱗詭甲相攀追縱說韋畢善攀搦但貌體質非神奇緬昔
幽尋萬壽寺瘦句哦松紛藻思十年京宦海藏身大慧延清復
三至閭爲蒼官月旦評良材軒輊孰重輕蒼髯戟張逢彼怒碎
匈捲作波濤聲漫嗟神物難爲用大廈支撐特梁棟採納旁求
大匠心乘時早向王庭貢我佛告汝諸大夫冰雪空山自珍重
達婆阿難皆喜歡天龍八部風雲送

初至戒臺徧覽諸勝恭和乾隆

御製游戒臺壘癸酉年舊作原韻

唐刹香臺峙金昆并轡尋霜楓澄望眼苔壁繡詩心客到誇初

地僧迎度遠林未遑瞻法相已覺滌塵襟
誌乘閒稽古游蹤獨讓今煙霞癡癖慰
聯榻宿高岑

登千佛閣

琳閣嵯峨驚嶺西

天章焜耀仰璇題長隄虹互渾河走大漠
鵬盤白日低蚪幹五朝多變相蓮趺千葉湧
毘尼置身合在須彌頂普照圓明覺性迷

雨後寺僧

本性

導登鐘樓暨瞻眺

行宮諸勝疊和乾

隆

御製原韻

寒雨空山歇相將笠屐尋松奇開畫本澗
曲寫琴心峯斷微看寺梯盤密繞林眾誇
宜遠矚僧導散幽襟藻梲昭雲漢征塵感

昔今佛巖新霽好捫葛叩青岑

西齋堂望觀音洞欲登未果

堂襟情脰望扶欄風磴雲封欲陟難洗鉢僧歸齋散午梵音吹
下幻師壇

讀壁間題句懷黔中吳蘭雪州牧

嵩梁

碧紗籠句佛香消倚柱閒吟破寂寥一障乘邊司馬逸萬珠湧
斛阿龍超澄觀禪味香雲定癡想詩盟薈雨招把臂無由增觸
撥黔陽難寄夢痕遙

夜雨偕樸齋六兄茶話

枕巖霖易作游展阻應偏檐溜明珠綴屏彎錦樹連魔生三宿
戀秋抱萬峯圓雙笠衝煙去游情比石堅

題張詩舫農部西山紀游詩冊

我久西山秀句逋琅函
錐誦趣偏殊松濤泉筑
煙嵐態韻語能標繪得無

溼雲靜翳佛鐙紅味雨
松寮境略同料是山靈
示真面劈空洗

出碧芙蓉

詩餘春日游戒亭亦值霖雨

探奇禪窟信清涼想見
抽毫灑墨狂山館挑鐙
吟不寐殘僧猶說覓詩忙

馬鞍煙麓疊峻嶒翫翫
盤阿結伴登咫尺名山
嬾招隱移文應并草堂徵

膏肓泉石眷清游箋寫
雲藍藻翰迥霜葉豔於
桃杏色嬉春應遜我吟秋

迴翔雲署無多暇起草
樞垣漫掣身來歲都籃
約同辦攬裾同訪杏花塵

衝雨度羅喉嶺

泉淙攪夢中宵起草草香廚淨饌留怪底聞行是忙事帽檐衝
雨度羅喉

由羅喉嶺至平原村作

雙丁肩筍猿猱捷健步谿坳細路循放眼鴻濛歸一氣振衣雲
霧溼周身峭寒隔嶺已飄雪小雨爲松先洗塵凌壁摩天人入
畫不嫌十八里逡巡

游潭柘岫雲寺

篔簹教小住生面喜重標蒼栝排雲巘丹泉漱石橋境閒詩偶
得山靜隱堪招銀杏應時茁貞符協五朝
豆腐塵乍拂落葉煮新茶釘壁驚書妙開簾沍篆斜僧負詢里
闕我獨癖煙霞寺據神龍窟隋唐勝蹟誇

遠公逢一笑聯袂陟雲堂妙相金容燦璇題寶墨光巾單足滿
灑瓶鉢靜相羊衲冷裝絲早前宵雨送涼

縹緲毘盧閣僧雛導共登九峯環匱帀一塔鎮岐嶒松籟笙竽
奏苔紋錦繡層捲簾空翠溼雲羃寶蓮燈

殿廡周遭歷金元古蹟沿四禪留寶相雙趾透花軀觀音殿中
塑元世祖

並其子同后妙嚴公主四像公主拜磚雙
跌儼然磚背已透紫柏禪師會著贊語曼碩丰裁雋妙嚴精

進虔質孫衣制古誰補舊聞傳

探幽行少倦小憩入精廬盤果堆盈几籌香潤襲裾風鑪闌淪

茗雨膳晚炊菰桂醕縹甌代禪師戒律殊寺中戒飲
故及之

落日靄禪扉拖筇入翠微亭依危棧築僧聽暮鐘歸黃葉扶雙

屐紅泉繞四圍欲尋潭際宿苔徑認依稀

次日徧游岫雲寺恭和乾隆

御製原韻

戒壇瞻禮後紆道訪祇園危行通樵徑香林護法門負巽憐汲

叟傳鉢暨苧孫

近村無水村人皆向寺中負擔取汲俗有養僧不養俗之語自唐華嚴禪師至今已傳十七代

矣耳食名藍久挑鐙試語言

松竹延眞賞他年擬結鄰眷茲清淨域憫彼市闌人夙豔傳鐙

久甯辭步履頻相看成壽者厚貌軼羣倫

謂永壽禪師

舊湧開皇塔珠輪慧日懸環溪忙雨後錦樹飽霜前繞坐鶯聽

講行廚鶴避煙茶瓜共僧話舌本妙青蓮

猗玕闌樹擁

宸藻畫楹畱序憶蘭亭舊觴隨曲水流珠璣濺簾額螺黛壓牆

頭延矚疏林暝棲鴉接翅投

上方香閣聳天平俯朱霞珍藪環瑤砌金壇護碧紗示奇淨吻

獸著翼蓄靈蛇誌乘齊諧續誰徵問字芭

蓮峯吹雨到潑墨溼雲濃松籟常盈耳雲衣白盪胸窗虛延氣
爽磴折疊泉淙寒夜遲眠好霜澄度竹鐘

潭柘觀音洞

層厰哈呀杳以深低眉佛祖坐觀心苔寒水靜饒幽致雅趁寬
鞦策杖尋

靜室夜坐心鏡光明偶通禪悅題四絕句聊當爲吾師

說偈子

妄因消種種落葉掃層層有象皆虛幻香禪悟上乘
狂象易束縛難制維一心內照圓明見淨雲掃碧岑
狂心自不歇亭額亦虛名尋到水源處不流那有聲
萬法歸一宗精進推妙理峯峙與泉流本來當如是

寺晚偶步

濃嵐靄夕陰松花落西崦齋廊粥魚催來就山僧飯

潭柘岫雲寺題靜室壁

一身欣偶寄萬慮此俱澄寺古我初到峯高人乍登松泉寒浴
烏竹院靜歸僧昨日畱題處雲生岫幾層

題姚少師像

黃葉圓庵半嶺遮少師遺像閉煙霞兵稱靖難尊王佐身退卑
棲隱釋迦偈喻芭蕉狂獨笑鈔連瓜蔓劫堪嗟錦袍髯頂丰標
異徹骨風流漫自誇

日暮欲游龍潭未果

夕曛未及叩龍潭日斷林霏紫翠參緊縛芒屨持杖子何緣遙
覓雀兒庵

靜室不寐起與和尙通印夜話

撼撼商颯颯攤衾夢不驚窗含拗松影枕納暗泉聲
灰裏陰何撥鐙前粲可盟菩提果無樹山栢悟枯榮

寺西偏舊有古栢今已葉矣

游潭柘歸路經栗園莊下院喜題

竹筍延緣度嶺長量茶小憩栗園旁村僧不解楞嚴誦
窳穀藏栢自在忙

禪窟煙霞五日留冥濛空翠尙凝眸錦囊秀句題應滿
擬向兒曹紀勝游

渡渾河

善橋接引渡桑乾礧礧縈紆路百盤激宕馱鈴行
逐隊菊花天氣正新寒

石景山

孤峯業岌枕河干浪打巖窩肖彈丸指點權璫遺構在問禪客
懶駐征鞍

良鄉縣 祖塋重葺丙舍長新店途次寫懷

馬頭蓬勃塵影黃魯陽戈莫迴殘陽煙林拂空碧帚埽野水凍
合玻璃光塌來茅店駐行馬土銼槽榭煨依牀飯童秣駟恤儻
從肥肉大餅充飢腸片時小憩健腰腳如弦官道車翺翔彎環
蛾綠互天際馬鞍山麓遙相望記從月額勝游覽秀句尙壓奚
錦囊松聲謾謾入眠夢恍惚寄宿青鴛堂觀音古洞渺何許想
見老衲鬚眉蒼郵程去都一舍耳已覺景物多淒涼我雖鞅掌
豈王事墓廬重葺來龍岡相宅夙遵郭璞術青瑯素威區畫詳
冬塞路凍地堅實運轉木石宜康莊燒甌範鑿斲梁棟經營伊
始謀須臾鳩工尙復待明歲先事而立無周章家祠歲葺秋葺

事羅列鼎俎鳴珩璜敢誇肯構卽賢裔稍葺頽廢榛蕪荒或言
改作工費鉅棲神廟貌瞻輝煌蟬聯組綬沐遺澤報本禮重敢
不獲低徊輾轉忘途遠古堠兀突驚驂驥喜看衡宇隔咫尺一
鍼瘦塔雲中長

十一月松岡相宅畢游菩薩頂普濟寺日已晡僧萬緣
蜀人爲余言金世祖陵在大房之麓殿宇多圯碑碣
尙存每歲春秋邑宰具牲往祀山之幽有普光寺爲
內務府園官趙某所據幾四十年子孫貧不自給遂
聽村農居之寺之左爲丁家窪有卽姓園乾隆間卽
姓主人挂冠避暑饒有勝趣今亦就荒而花竹猶茂
豫可觀也色將暝未及徧游欲畱宿寺中聞其地多
虎趁月歸漏三下始返丙舍撥火挑鐙作歌紀其事

大房翠接西山麓萬壑千巖媚遐矚耳熟風光夢想勞鉅筒日
理身拘束丙舍閑行倚瘦筇屯丁作導登穹窿急驅薄笨碾礪
礪石棱輪鐵相磨礪巖村南畔雙楸古枯枿槎枒張戟弩竹籬
板屋帶雲椒貌出幽風舊圖譜灘橫橫蛾綠遮平楚雲煙變滅光
吞吐流粉嵐光積雪凝鱗甲蟠空玉龍舞掩映崇墉百雉雄環
城比屋蜂房同居民業煤鑿山骨烏銀墳起部裏封鱗皴萬瓦
蒼崖口駝之高兮負煤走激宕馱鈴曳夢魂逐隊鴉軍面黝醜
凌冬披褐冰雪衝健兒斜跨明駝峯長安豪俠輕物力圍鑪讌
飲蒲桃濃鬚驚劈面芙蓉豳葛笏參天攢玉架昌黎秀句漫形
容就裏一峯如筆卓碧霞宮廢斷碑存螺髻痕盤青十斛乘興
看山具夙因小山叢桂解畱人松間寫意蕭思話谷口怡情鄭
子真綫路攀躋容半趾扶策踟躕御虛擬沒骨谿雲輓勝縣掠

耳狂颯涼潑水峨眉禪伯峯巔住松下齋餘衲衣補花飛說法
坐馴鵝月朗聽經門臥虎爲言地本清涼窟金陵近倚蒼龍角
卒史猶存四五家辦香歲荷 天家灼更有郎家亭榭好石瘦
泉清境幽渺投効歸來遠市塵黑頭甘向槃阿老天水郡叟脩
閣黎頤光樂志西山西養疴愛住維摩室偕隱偏攜法喜妻山
翁化去家蕭索子孫藍縷嗟中落買山人少賣山多栗野桑疇
生計薄低徊笑彼紛蠻觸世網蝸蟻苦侵奪移文誰向草堂徵
騰笑松杉惱猿鶴山中樵牧少推擠歸來胡不朝衫脫浮生自
笑眞萍梗鞅掌關山浪馳騁昨年跋馬句注巔豈料褰裳菩薩
頂游興方酣日將夕亂峯缺處金輪赤苾芻揖別感股拳飄瞥
尖風側巾幘康子峪丁家窪一重一掩巒周遮會當春煦足膏
雨盈溪桃李蒸雲霞蜀僧約我作前導共賞嫣紅躑躅花、

訪陳麗天畫叟不遇

翠翦蓬蒿路不紆
應門童僕亦清臞
板扉剝啄君休訝
不是租

道是畫逋

幽居舊記豆花莊
醉月高歌古狷狂
怪底風塵馳逐地
多君人海一身藏

東寺復題麗天老人畫佛

貌出閩黎古隱淪
曹衣吳帶鎮傳神
且圖老去閩山渺
一指香禪得替人

自房山縣菩薩頂夜歸丙舍

甌泛茶香鬱舌根
暝煙扶屐欲黃昏
鶴翩萬仞峯頭雪
犬吠三更月下村
眼暗夜然松炬明
寒閉藉竹根温
去年今日并州道
裘褐霜淒滯旅魂

止

抱沖齋詩集卷二十三

長白 斌良 笠耕

粉署趨承集二

天王寺僧慧寬邀題可窗晴翠額

索米居長安宛處醯雞鬻團圓儼櫛比尺土鮮缺空眯目輕塵
棲聒耳市聲闕竭來蕭寺住窳堵仰飛棟何心事游觀遠騁城
西鞞廬居借禪房一寄泉魚痛昏鐘破愁眠晨唄聆梵誦三椽
賃廡居茶話勞賓從老僧頗解事鑿牖遠睇縱披豁芥胸入
九吞雲夢蜿蜒太行青浮嵐可窗送絕勝江亭幽雉堞環遮眾
疥壁邀我題蓼莪廢吟弄補記雪鴻蹤藻詞奚伯仲

大風過盧溝橋

二月燕南道長風似虎狂河流噴雪白塞日挾沙黃閉置如新

婦栖遲笑漫郎殷勤謝關吏
客到壺觴

盧溝橋稅司書
史沈姓畱憩

良鄉歸途寫望並懷悅亭五弟

怡良

寥空密織雨如絲又值清明上冢時
淺草綠萋堪試馬小桃紅
蒨恰宜詩西郊舊路頻羈旅南浦春波有別離
遙憶阿連今夜夢郵亭泥滑到應遲

二月二十四日丹鳳山園丁來告杏花欲開

報杏花開
朝京十載居無那米券煤逋日日催
一事今年差強意山童來

春日過福上公新開水亭偶題四律

雅有濠梁意虛堂旁水開捲簾花霧溼
隔岸柳風來散直宜行
飯邀朋共舉杯菟裘何必築此卽遠氛埃

黃篋蘆棚敞青溪菜圃寬泉聲聽漱玉山色入憑欄射每分行

角棋還對局彈煙波紫舊夢合買釣魚竿

名園相倚近蒙密樹交花景物從人借風光向我賒樓遮雲一

角橋轉路三叉拍岸春波賦看調白鼻騮

亦有爲園想郎官少俸錢經寮頻借榻

余赴園向借宿大樹庵中

花窖偶題

箋屢過園丁熟周旋柄子賢他時蓮葉出來話茗柯園

大樹庵海棠已謝和壁間萬荔門農部

貢珍韻

十尋步障錦參差忽漫紅稀綠滿枝忙裏靜因誰會得晚鐘初

動月來時

紗籠僧壁畫愔愔麗句情偏感舊深櫻筍佳時重結社梅天好

趁半晴陰

池上感賦

桑枝甚熟筍垂鞭又聽鶯聲繞樹圓照影忽驚鬢鬢白改官郎

署七經年

題阿彌陀佛畫像

卽心卽佛若微若茫頂禮北面妙印西方金容月滿白毫相光
力超苦海功濟慈航恩酬罔極福漸無量

題澗底松

抱節含貞淨絕埃槃阿寂寞老奇材青青不及宮門柳日侍君
王玉輦來

三官廟張道人忽去香火託蘇生

文煥

代管

廿載栖神獨鍊顏忽披鶴肇走千山牀頭甌未黃梁熟鼎內丹
眞白日還寶殿篆香靈壽見命竿鐙影九霄聞須知孔李通家
久聊託吾儒代守關

夏初感懷和黃子芳韻

曠達襟期屏亂思微醺少醉睡移時閒如野鷺眠蒲澈靜聽新
蟬曳柳枝蒼蒼艾堪祛夙恙乍裁絺可趁輕颺田田好待新荷
放旋卷青筒當酒卮

舊作濡毫強自刪畫長無客喜當關夢回茶半香初候身在廉
泉讓水間開卷丹經聊破悶繞籬野卉足怡顏至人心定占無
藥莫慮詩逋積未還

夜雨柬金讓水孝廉

兼

夜雨胡蕭瑟剛逢客別家幅巾還獨墊半臂倩誰加涼淺侵書
幌譚深落燼花觸屏童睡熟撥火自烹茶

金讓水墨家字韻詩見贈賦此書意

李邵傳登第涪翁詠過家隋珠光乍接和璧價終加蹊早培桃
李園遲探杏花青雲期一蹴且泛雪甌茶

綠雲環老屋人豔子猷家官任三年滯詩偏一倍加桐焦原有韻荷淨妙無花久矣長鏡託青山憶種茶

雨後酬讓水

閉戶饒閒趣清游祇在家徑紆苔自蔓雨歇翠交加闌繞空明水籬開細碎花西齋延妙友覓句細量茶

假館此閒樂湖山漫憶家神交蘭畹訂禮數穀紋加荆豔翻詞海班香燦筆花雲司無長物畱客夜評茶余春閒過長新店讀壁間所題詞心久傾倒夏仲金讓水下榻澹園譚次知爲先生所作不勝狂喜葉筠潭題詞以紀其事

讓水屬和奉答疊前韻

巴音原下里苦學未名家迹歎青雲阻人憑白眼加勤栽書帶草儉賞米囊花所志居廉讓相將共煮茶

晚步聽綠山莊疊前韻

數椽漁屋小風景宛山家庭樹陰常滿園租歲不加新詩貪起
草老眼怕看花何處堪消暑蘆碕晚啜茶

夙夜疊前韻

在公勤夙夜晏處那居家心敬惟刑恤功崇定秩加綠紆袍帶
綬紅壓印牀花歲荷餐錢賜無煩鬻餅茶

贈大樹庵碧峯長老

頭白山緇念虛空卅年來往一庵中檐牙影靜栖香鴿壁爪痕

畱記毒龍

嘉慶九年六月龍攫殿壁至今爪痕尚存深及尺許雨障袈裟圖早就道光六年

庵中夏夜值大雷雨致破窗紙會借應禪師袈裟障之並繪僧盧聽雨圖一幅題詩記其事袖籠鐙檠句偏

工余自製仿漢雁足鐙曾託碧峯長老構贈張詩船農部詩船

照檐前蒼垂情只有楞迦佛榮悴年來視總同

晚坐竹韻齋

竹香侵几榻小坐峭涼生濁酒奇書下新茶妙友評

沈豐橋送
杭郡雨前

茶僂子
芳同殿

樓高殘雨過峯豁夕陽明久厭如簧舌風蟬滿意鳴

七夕後一日聽綠山莊雨過綠陰如染風物清禱命園

丁除隙地置几案古榆下汲井華淪佳茗偕讓水坐

樹陰共話湖山之勝月上始歸漏已四下倚枕不寐

得五古一首

天游屏六鑿所貴在適性閉戶卽山茨隨遇樂清淨何須騁游
纒遠叩田盤勝宅西開小園樹多綠堪聽扶藤散幽襟公餘足
高詠瓜壺綴籬繁荻箭掀泥迸五色繡花畦九折綠苔徑坨邊
古榆植蔚蔚星精映插漢碧陰圓翠織儼撐柄我友山澤癯瀟
茗結幽盟有時讀我書電目朗如鏡寄閒話漁樵昔夢今猶賸
自言家湖壩下帷恣游泳鶴亭枕山孤梅跼飽霜孕伯鸞賃廡

居老柄蔬盤釘日月去難追快馬注坡勁頻年困輒紅歸期胡
踏蹬方之前哲賢季鷹高足稱京洛感秋風幡然動歸興若直
爲鱸魚其賢應乃更坐久露華滋月上鱗雲瑩清輝解照人何
須執鐙檠我生如寄耳豐嗇各安命世味已飽諳大巧與拙并
填橋靈鵲還風枝棲不定

黃子芳索酒仍疊前韻

先生家黃山雲海養情性平生帶芥胸瑩然湔滌淨乘興擔簦
來遠訪春明勝故人官秋曹蜚聲勞逸聽冀飲買山錢緇衣什
載詠別來驚顏蒼握手淚珠迸那期禽向交復造羊求徑黃石
善願養精神看玉映沽春費杖頭邀話揮塵柄小奚尺素將長
牋結深盟準擬邱築糟狂思湖乞鏡知余得酒還底事餘香贖
一石或留髡鬢資沃泳白衣眼色加紅友心香孕麴生風味

殊奚啻座梨釘，竭來鬪詩豪。偏師挑敵勁，巴音和紛。還邯鄲步，
踏蹬有時臥亭中。白髮醉翁稱况君，富苑裘梧竹助清興。風吹
山月圓，洗盞酌須更少。馬金波搖頽然玉山瑩，涼露滴空階。輕
颺襲短檠，陶潛賦歸來。奚疑樂天命遇舛，臧穀同政笑。齊魯并
偕向醉鄉，逃好把心旌。定

柏林寺

震旦知名寺

宸題萬古林，番文碑細鑿。翠葆柏蕭森，蔬筍僧廚淨。蓮花佛性
深，七鍋騰寶氣。黑衛漫相尋

院靜似太古，青鴛花竹幽。盆山飛雪浪，石壁畫滄洲。細路斜通
郭，寒山半入樓。遠公詩社散，昔夢晚鐘留。

秋感

鏡中白髮太駸駸又聽空階蟋蟀吟助我詩情惟夜雨益人愁
緒是秋陰童收棗實分紅綠鷺踏蓮波試淺深竹杖田衣吾分
足閉門幸少客來尋

自題聽綠山莊效白香山體

我家築園亭所志在娛老人家好林池專以養魚鳥主人爵通
顯出門常苦早或登金馬門或宿濯龍沼偶然退自公報謁貴
胄繞翻令美園林終年閉深窈粉牆繚朱門銅鋪蔽叢篠行人
騎馬過頰首望縹緲風廊接畫樓金碧露林杪但聞荷芰香未
覩蘭蓀裊空令老園丁伺候日灑掃不見主人來魚跳鶴空惱
何如我家園結構亦頗好古榆八九株年深各合抱中間構虛
堂明淨復幽悄其旁眾綠森廣樹梨與棗曲折短籬環瓜壺翠
蔓遶柴門晝常關人客過從少縱橫闢畦町高下植葵蓼頭銜

圃兼農亦復種杭稻迤步苔徑突兀陟煙島方亭峙岡南翼
然最天矯瀛臺樓觀叢蠟屐堪舒眺雨過看西山周遮青未了
凡此園中景分列眉目瞭而我樂無事朝暮步深杏花梢露點
濃池心月光皎午榻睡初醒蟬聲任喧攪菰蘆晚搖風清溪映
浩渺有時會賓朋款接殊草草村沽雜野藪只圖一醉飽周旋
禮數疏謹謹各傾倒不鬪臺榭華不矜營構巧所貴景物佳一
一真知曉但得日來游何論園大小

曉過嘉量齋見二姪延禧和詩甚佳題以獎之

懸弧誇壯志漫眷石泉幽詩賞騏驎閣杯翻鸚鵡洲遇遲探桂
苑名籍破煙樓安節南來久東坡爲款留

老將行爲阿副都統作

街頭逢老翁頭白勝雪霜提攜小孩童通衢步傍徨短袍不掩

脛面垢顏黎蒼路人共咨嗟指點說端詳此翁少年際勇可賁
育當十七擢高第二十登明光寵遇冠儕伍特簡陸楯郎入侍
奉雕輦較射陪長楊發矢必命中彎弓能挽強天子賜顏色
錫資頒上方文綺爛筐篚寶玉森琳琅同僚羨榮貴結納恐不
遑侍宴晚歸第鐙火喧市坊騶從走駭汗鄰黨多趨躡瞥眼五
十載偃僂年耄荒筋力就衰減不復能翱翔奉召致仕還守拙
邱園傍垂老嗟命蹇運去如頽牆老荆前歲沒子息繼天亡伶
俜餘弱孫迺祖親扶將家計苦日蹙曩恥儲無糧舊友已零落
告貸少助償新知半模糊過訪偏參商殷然百憂集解免惟杜
康世人貴多壽而我怨年長回睇塵空湧駟馬奔廣場長安游
俠兒意氣胡洋洋金羈絡馬頭錦段裁袴裳寄語年少子天道
原無常豐嗇隨所遇因時換炎涼此翁卽汝鑑路人語毋忘

秋日游金山寶藏禪寺

蒼雲陡闢崖中斷，縹緲紅牆臨天半。
延緣幽邃犖犖穿，屢巘迴遮寺不見。
瘦筇一徑步深杳，所歷漸高雲沒馱。
威紆橋轉碧峯坳，香閣華嚴彈指換。
山僧喜客厭岑寂，翦盡榛芳鑿石棧。
小軒妙構愛憑虛，百里秋毫纖悉判。
昆明波淨匹練圍，紺宇天開暮霞絢。
黏天短薺簇魚鱗，雙塔如鍼互隱見。
危榭玲瓏萬象涵，奇景招邀堆几案。
心香未悟木樨禪，淨侶還排蔬筍膳。
笑我頻年困輓紅，簿書填委勞羈宦。
如來教洗慧法眼，前滌塵習屏煩亂。
西林秀句尙籠紗，瞥眼吟鬚雪霜變。
清淨尸已三番過，昔夢難追同抹電。
得聞搜句吾亦頗，選勝抽毫不知倦。
雪鴻聊復證前因，誰要高名眾爭羨。
瘦權倘借豆腐眠，仁看金輪湧霄漢。

曉出德勝門感賦

憶昨埽墓松楸間，周遮蛾綠如玦環。今夕趨公向西郭，依然暖翠森孱顏。敢誇矍鑠筋力健，爲騎款段看秋山。秋山偃蹇如良友，青眼雲中亂招手。猶勝長安諸少年，慣我揶揄侮衰朽。龍鍾日竊太倉粟，白髮郎潛事奔走。居然腰笏值承明，試叩其中竟烏有。雲司秋讞責棊重，聽訟難於使無訟。漫隨小吏弄刀筆，恐致羣黎多枉縱。細繹冥濇酌可否，傳古亭疑勤厥守。霜淒已隕北堂萱，縱使平反已無母。烏鳥情肫敦孝行，大夫雖祥漫從政。祭豐養薄兩懸殊，脫粟猶踰五鼎供。曷若廬居蕭寺中，泣啜朝昏致哀慟。吁嗟乎我今欲養已無從，悲風一寄皋魚慟。

欣對軒

小齋西崦藏幽比，王官谷緣徑半蒼苔。參天多古木，拂榻理殘書。開窗延眾綠，公退偶優游。百年此老屋。

和讓水西樓晚眺原韻

嘉蔭蔥龍擁纛旌人間最重雨新晴塔從白雁行邊卓日向朱霞落處明偶倚瘦筇過曲榭浪傳佳句滿秋城澹煙疏樹冥濛際一段鄉愁畫不成

城西晚歸仍和前韻

馬首紅收捲旆旌鞭絲裊處趁初晴蘋花暗逐秋風老菰葉偏依野水明薄宦驅車來曲淀涼雲挾雨過高城獨披葛帔闌邊立撚斷吟髭句未成

余於戊寅歲與海虞錢梅溪叟

詠

樂數晨夕忽忽十三

年矣甲午秋鄒生雅存自虞山來都以梅花溪書屋圖覓示率成四截寄懷梅叟試觀行閒蛇蚓知白髮故人於此興復不淺也

石梅高譙記題襟北轍南檣歲序駸今日披圖增觸撥萬重香
雪共思深

氈椎晝靜聽登登翠墨因緣興偶乘

余在海虞梅溪爲
刻抱沖齋十二卷輸與石

田偏有獲履園考古錄新贍

翁莊結構小雲巢金薤琳琅老未拋村靜月明無剝啄一規涼
沁玉煙梢

瑤函兩到偏遲答畫卷梅花當寄書何日溪南草堂畔挈壺同
醉暗香初

雨後至昆明湖度青龍橋晚眺入功德寺小坐

山雨纔收翠靄重石橋東畔瘦扶筇綠楊如薺湖塢路又聽斜
陽水寺鐘

重九日邀金釭水游萬壽寺不果聯句

又負題餠節

笠耕

登臨蠟屐慵

讓水

山樓孤客夢

笠耕

水寺夕

陽鐘

讓水

雋語分花瘦

笠耕

鄉愁勝酒濃

讓水

祇園何處是

笠

耕空憶七株松

讓水

西岡晚眺

縱轡西岡興不孤
溼煙短薺望模糊
驚濤嚙岸時明滅
疏雨沾衣乍有無
近節題餠詩思悄
當墟買醉酒錢贏
廣場築就堆禾稼
繪出幽風八月圖

西窗閒咏和壁間祁頴叔韻

瓦松

小草以松名
纖痕動盈把
密葉媚蚪髻
溼翠分鴛瓦
涼雨夢西堂
檐溜圓珠瀉

魚塔

一規小塔圓波心卓筆瘦游儵戲蓮漪虛賢行穿透阿育不見
因拓掌飛眾溜

花籬

眾蔓少攀援編竹帶亭榭六枳鹿眼疏紅綠補其罅遠勢環蔬
畦圓陰覆瓜架

馬村道中見大石車運維艱置園未果告村農剔土剝
苔保護之題四短句

棗林忽見石屏顏土掩苔皴百歲間尤物從來難獨得依然畱
守此松關

供養雲煙到處同何須歸買碧玲瓏縱教大地遽廬似楚客無
妨得楚弓

好事爭傳米漢雯千金奇石委斜曛琉璃河畔春橋漲雁齒橫

排四朵雲

琉璃河橋畔有大石四枚相傳米漢雯所委置於此

拜石休嗔米老顛游心寓物漫流連會經過眼皆吾有畱作村

農故事傳

題張船山太守詩草後

天馬行空迴絕塵筆玲瓏處愈精神超羣酒戶原無量第一詩
情妙逼真畫擬白描看活見味同紅友但清醕辦香南宋諸賢
後獨有誠齋合比倫

題便面贈朱毅甫郎中

振衣千仞縱吟眸沙鳥風帆指顧收此是錢塘舊風景別來三
十五春秋

雨後望丹鳳山作

天際螺青一抹浮翠雲深處記曾游菟裘欲築山資欠後鶴相

逢抱愧不

衙參慣阻清游興水複山重路更遙想像雨過西澗底玉龍舞
出翠雲坳

城郭山川漠漠清中峯覽勝得真形構榭工匠營新就題作燕
南第一亭

猶記春初過碧山暖煙十里杏花殷竹深此日堪畱影客照還
添綠幾灣

游尺五莊和周芸皋餞戴湘浦韻

豐宜門外柳溪旁誰問菟裘此擷芳景像漁鄉清眼界人攜駕
侶助歡場頻添花事饒時雨恐礙游情惱夕陽老樹低頭閱興
廢滄桑變海信難量

大樹庵見萬荔門員外題壁海棠詩有感兼訂秋日同

游丹鳳山

崇光霞映負花時齋壁猶黏感舊詩人似春雲飄遠岫思縈水
苕園秋池名山有約期同往勝會難逢再莫遲早晚都籃教辦
就登臨共醉菊花后

竹齋納涼

車轍泥深刺懶投北窗高臥傲公侯窗綠面竹頻牽幌簾爲當
花漫上鉤眼底冰山庸足恃天邊沆漭倘堪求望霖念以三農
切豈在催詩雨打頭

閒居書意

一日陰晴變幾遭苔痕潑翠繡林皋世情澹處詩能逸酒味濃
時興更豪石畔花窠秋氣息檐端松籟海波濤天機靜妙誰先
覺坐耐茶煙竹外高

晴

高閣平添迴幽林駐景斜翠深坳積蘚紅細砌攢花雲澹涼依
樹泉香淺漱沙寥空塵滓少渾不礙歸鴉

秋畦種菜

縣帽深衣繞徑邊菱蘆寒色上吟肩菊花傲岸真吾友冷蘂疏
枝獨自妍

手闌畦町傍草廬閉門鎮日把鴉鋤閒官也是饒生計不種秋
花慣種蔬

和嵩亭弟易安室落成韻

琴書捆載到鄉邦錯被人呼處士龐小句裁紅長閉戶高情延
綠半開窗草侵徐孺畱賓榻花散維摩繡佛幢聞道淀西煙水
勝碧蓑早買傍魚缸

居僻朝膝愧小邦，易安休羨屋梁龐。
踰麋自灑揮香管，茶筭頻攜話竹窗。
風定樹生煙冪冪，夜涼鐙暈影幢幢。
片雲陡轉西南陣，瓜漲添來半沒缸。

彭蠡江聲憶舊邦，敢希招隱鹿門龐。
松高似蓋張雲幄，屋矮於舟拓水窗。
慵向朱門投短刺，勇勝精舍破魔幢。
蘆漪鷗鷺休驚避，正好聯盟茶石缸。

冬日感懷偶然作

青青嶺上松，經霜逾蔥蘢。
灼灼園中花，春至舒芳紅。
鋹基在乘時，力作期饒豐。
丈夫貴得志，措施自雍容。
遭逢運偶蹇，愆尤集其躬。
國士善迴斡，經權寓其中。
璠璣雖重器，蔑視砂礫同。
不見假虞道孔棘，交堪通號滅。
虞隨亡原璧，還晉宮傑哉。
漢孫策，御子橫江東。
瑰寶易貔虎，王吳建奇功。
江山垂帶礪，子弟麻澤蒙。

鄙夫竊天祿黷貨罔大公袁紹愛玉璽不是真英雄

過遠亭弟居不值題壁

瓜廬林樾凍雲攢闔戶蓬頭一笑看斐几琴書親位置草窗鐙
火夢團欒丰標似訪王猷竹臭味真諧鄭國蘭漫向西風憐鍛
翻雙鳧拭目振飛翰

示八姪延祿

阿咸夙豔竹林旁千里名駒譽克當琢句春雲姿吐岫應人冬
日煦分光丰裁玉樹臨風卓雅興金徽對月張鐙火三餘勤礪
乃須知冰燁勝蒿梁

鋤筒

鋤筒竿牘事紛紜刑柄親操夙夜勤有客到門題鳳字無才閉
戶著鴻文雪標素髮寧千丈臺築糟邱張一軍漫說郎潛能任

達牢愁終竟屬司勳

同懷弟法良校刊

男崇福謹校重刊

抱沖齋詩集卷二十三

長白 斌良 笠耕

粉署趨承集三

春日出宣武門詣天王寺並訪葉筠潭鴻臚

紹本彭春

農學士

邦時

晚歸作

獻歲嬉春早
遨頭快嫩晴
參茸衲子問
字過名卿野
水平吞岸蒼
煙晚抱城蜩
蟬萬人海
春色屬柴荆

春初抱疾齋夜寫懷

鐙架鰲山爛
佳辰值上元
雲開蟾影淨
夜靜柝聲繁
神定欣無夢
心虛悔放言
意行真趣足
春水綠依園

閉門靜坐和夢堂相國英廉杜門累月作詩遣懷韻

香消鑪鴨掩
重闔資鉢寒
梅共影親粉
署郎潛聊樂
志金門大

隱貴棲神文林枕薛多爲福武庫胸羅豈是貧因病得閒殊有味中車免踏六街塵

新正望日失跌傷面感成自警

偶爾躓於堦腹腰難自持天心高莫測老境到方知稚子爲敷藥家僮走召醫考祥占視履跬步慎顛危

春日感懷

惱人天氣是輕陰叢樹籠煙碧待尋奔命筋疲憊庠馬鳴春意得羨臯禽壯懷羞爲齋鹽老吏學徒誇刀筆深我比馮唐猶未邁道心濃處欲抽簪

雪後感興

淡沱鱗雲雪意淒鳳城柳色綠初齊漫誇入地蝗蝻淨恰怪當關虎豹嗾都護壯猷勤石堡相公新正築沙隄曹司挾律空奔

走愧少瀟風化庶黎

城南民舍忽獲一豹故領職及之亦奇事也

柳

誰植婆娑柳長條復短條青垂阮郎盼舞並楚蠻腰離緒歌三疊風流想六朝夢回江店夜鐙外雨瀟瀟

雨中坐話山亭作

一雨洗塵夢溼雲過茅檐土香暗襲人靄霖滋物酣冒澍送蒼來罔恤衣袂沾呼童擷園蔬佐餐豈傷廉真趣自彌滿闕處聊養恬

香山訪昭甫苑丞不遇晚歸

言訪素心侶步上松蘿磴人帶晚鴉還斜陽下西嶺

咏錢四律和黻齋八姪

延祿韻

蠢然輪廓亦平平世路嶽崎賴爾行得失有人關性命炎涼伊

古判交情神威信可通干變耿介何妨不一名繡虎才華扛鼎
力靈時低首爲方兒

對此能無感百端銖毫幻出萬波瀾魯褒論雋談何易杜老囊
羞覓太難驕虜頑慳滋臭味達人披豁露心肝解紛排難原多
濟阿堵休輕一例看

樂府爭傳姹女歌圓流月樣鏡新磨運乖金穴消仍易權赫銅
山積未多腰重有時矜跨鶴眼明偶爾亦名鷺大盈畢竟推天
府黃紫分標十庫羅

措大行藏絕可憐文誇萬選喚徒然穿風翠莢班班繫鑄水圓
荷的的鮮唐監老奴悲手澤漢家食貨重刀泉何如撒帳偏多
吉看洗兒來勸隔年

和崧亭十弟出鎮烏什留別原韻

升沈宦海轉飄蓬四牡回看斗柄東成瑒籌邊饒智略班超定

遠漫英雄游蹤阿閣來雛鳳

丙寅年崧亭弟隨侍家大人至烏什

離緒寥天感

斷鴻葱嶺蒲昌探早徧少陵出塞詠輪工

峪關潏潏鎮長驅入直丁甯豈丈夫按部渥洼宜選駿宣威月

竊想鸞弧幃車鴉鬚攜雛婢捧鞞虬鬚恃健奴到及條支瓜正

熟漫教江上憶松鱸

雪擁天山走駱駝家園夢隔悵無那燕支塞冷春難到瀚海沙

明月共磨示信羌夷攜貳少推誠將弁効忠多巖疆屏障功非

細漫說投荒歲月跼

蒼茫戈壁起寒煙亭候蟬聯路萬千兄弟傷離兼暮齒漢番難

馭況窮邊積冰碾玉摧晨駕關月鋪霜警夜眠西域風塵須善

保召環應不待三年

和劉孝長孝廉

清

見贈原韻

瀟灑襟期與子同，褰裳踏徧水亭東。
偶邀薄醉杯三雅，疾置飛傳詩半筒。
潑刺魚跳瓜蔓漲，襪襠鷺聳荻花風。
軟紅人海歌鐘地，清景偏教屬寓公。

何時把臂一尊同，白石橋西野寺東。
萬柄紅渠香拂座，幾條碧玉灌連筒。
梁園詞賦猶堪繼，京洛冠裳信可風。
竚濫曹司堆鬢雪，腰金深愧黑頭公。

萬善殿訪誠修禪師

蒼柏盤虬夾道迎，風傳仙梵韻偏清。
講堂闕寂行初到，妙墨湘靈染未成。
禪師 盡韻荷氣襲衣通，御氣車聲隔岸咎。
鐘聲塵譚飛屑天花落，圓頂方袍古性情。

雲司儼直飯後偕大樹庵侍者普瑞同游昆明湖過靑

龍橋繞湖岸至西方寺看凌霄花並賞珍藏米蹟復
游大悲庵觀稻田入織染局觀織還至大樹庵小憩

雜題

松陰幕屨碧環谿樓閣攬雲半未齊最好湖亭閒買醉豆羹香
溢滑流匙青龍橋豆腐湯最有名

襄陽妙墨留獅贊淨土奇葩翳薦籬西方寺藏米芾畫獅子贊
凌宵花開時大於盤
孟爲京師所罕見不道鍾情惟聲叟一年三過幾摩挲

機聲鴉軋勞絲匠稻隴縱橫集稼夫耕織開圖欽

帝德誰將樓鑰句重摹稻田廠招民耕種每歲納租內務府管
理織染局有江蘇浙江江甯織匠織作
以供
尚衣

菟裘小築俯奔瀧竹屋花籬倒影雙會借西齋舒遠矚濃嵐如

雨潑疏窗

肅府林亭在湖東
余會借西齋延眺

橋低雁齒還疑帶
鱗魚鱗碧似油
漢殿石鯨難擅美
昆明刊

碣頌金牛

廓如亭鑄金牛鎮水昂首
西向背刻乾隆御製碣

鎔銀萬頃鏡湖激
欲泛扁舟得幾會
棹入煙波任容與
暢游翻

羨御園丞

昆明湖禁學舟惟苑丞查
湖許乘舟往來亭樹間

煙林蒼翳表崇岡
遙睇波心藻鑑堂
閒聽浣衣人說道
龍舟昨

尚泊漁莊

藻鑑堂在昆明湖
心常蒙臨幸

飛盡切漢五雲光
鶴禁龍樓認未詳
極睇壺天不容到
蓬瀛宛
在水中

閏六月十七日由雙橋闕帝廟至六郎莊靜安禪院小

憩循隄散步敬讀乾隆

御製碑碣過繡漪橋至界

湖橋舒眺萬壽山玉泉諸勝雜興

松陰苔碣煥琳琅憶舊懷人往事詳
四十年中身世感白頭老

納話賢王

雙橋關帝廟爲儀親王修葺碑陰刻王懷陳勿山周海山二先生詩僧話及頗增感歎

稻香吹滿水西村深鎖雙橋掩寺門輸與芘芻無箇事菊苗分

種自移盆

隄畔漁莊號六郎蓮溼圍住柳絲鄉商量我欲移家住酒美粳香恣飽嘗

據艦戰艦習昆明

盡剪鯨鯢慶息征閩粵黃頭身手捷至今猶

號小蠻營

昆明湖戰船乾隆年間選閩廣人能習水戰駕駛來京演習即派撥南宮居住人呼其地爲蠻子營

銀塘迢遞界中央稻隴蓮汀錯繡場舟掠菰蒲驚鷺起半天晴

雪滿身香

綠陰如幄水西頭高柳風蟬喚不休寄語鳴蜩須自慎人間涼

露易驚秋

老兵無事閒漁釣穿葦芰蒲傍水湄花裏垂綸人不見蜻蜒飛

上一痕絲

輕車停傍錦牌坊
桐帽蕉衫趁午涼
近摘河鮮紫菱脆
旋沽村釀白蓮香

小園雜興

眾綠連林遮眼暗
嫣紅小朵隔籬明
老夫自得閒中樂
獨坐高亭聽雨聲

蒼苔細草饒幽致
豆架花籬儼畫圖
貪數牆根初茁筍
等閒拋卻睡工夫

空庭淨碧一方苔
我愛尋幽得得來
分付園丁趁梅雨
鑿鑿珍果及時栽

瑤瓊雲光欲雨天
意行逾覺葛衫便
深林恰喜涼如洗
不分燁聲萬樹圓

愁裏歡悰惟喚酒閒中忙事是看山小窗萬象都收拾畫本倪
黃彷彿閒

柳漪淡沱鷺翹足花影迷離蝶曬衣辭徑筍鞋行處好青泥不
滓翠黏微

小村飯罷題壁

小飯過村店盤蔬滿箸香門圍黃鳥樹夢繞白鷗鄉山意方吾
靜溪聲笑客忙巾車歸緩緩好趁夕風涼

曉雨竹齋遣興

五更涼意襲衾裯夏雨廉纖氣逼秋荷益高擎珠乍走竹梢低
亞翠交流趨衙牘少宜湯沐堆几箋多有唱酬小簞醉餘獅子
臥片時高尚傲公侯

晚抵大樹庵擬約朱湘帆朱毅甫共游金山寶藏寺

脂車莅止又斜陽地近湖山易早涼
信宿光陰疑客子十年蹤迹半僧房
鴉盤瘦柳煙深碧鶴立長松月澹黃
明發都籃教預備要登雲岫挹天香

秋感和東坡病中戲書舊韻

五十忽過二蹉跎昔日心圖書增慧業
梧竹助秋陰難燭頻看劍焚香靜理琴
中年感哀樂霜雪鬢毛侵

縱少催租吏柴門莫浪開論文前輩失
攤卷古人來已悟波非水誰知櫟不材
潑波覓水見楞嚴正脈塵胸何處滌
通路泛舟回

雲司散直至大樹庵齋後命奴子等巾車
先行余偕朱

湘帆主事

國琛

朱毅甫郎中

璟

閒步由馬廠萬壽山

西角門沿溪至青龍橋過西方寺看凌霄花觀米南宮獅子贊墨蹟復登車游金山寶藏寺僧留宿未果

晚歸坐齋中覺湖光山綠隱約目前得五古四章並
邀湘帆毅甫同作以紀勝游

雲司初散直就食伊蒲飯巾車僕先行攜侶步獨健溜激琴筑
撞霧豁煙鬢獻白袷飄輕颺涼意襲人嫩地迴馬羣空天近龍
樓建延緣石徑紆幽絕緇塵潤鷺涼翠足翹駒汗明珠噴松杉
夾澗森菱苳澄溪蔓娟靛靛飛蕤金碧樓臺空 仙籙禁人行
願瞻徒繼緹信矣三神山可望難登頓何日逢閭嶺暢游洽心
願

路轉歷峯口城闔少塵囂小憩傍茶肆稅駕青龍橋波澄鑑毛
髮泉響鏗咸韶稻香吹盈襟衣袂共飄搖湖光萬頃鋪潑雪暖
不消晴嵐落漁市滿目青煙撩終日秀色餐輸彼湖上樵意行
入蘭若茶瓜設僧寮摩挲撫雙檜牽連賞凌霄共惜花時過未

得攜酒瓢朱子善摹繪
荃熙夙聯鑣繞樹獨三帀
歸擬圖生綃寺古蓄珍翰
獅贊襄陽超運筆風雨疾
波磔驚龍跳相看齊咋
舌想像元豐朝清話未移
唇尺景明峯腰纔過董思
村山翠如相招

初游意倍欣屢過境還熟
搖鞭作前導後車共追逐
紅牆壓翠巖指點青一簇
輪鐵犖确鏗星火光迸煜
袞裳背偃僕呀喘笑童僕
已陟青雲巔式廓千里目
時當秋正晴隴畔禾綻粟
遙林短於薺町畦青裂幅
塔影卓錫如孤標跨峯麓
明湖肖堂劫杯水淥盈掬
池邈九門環崢嶸三殿聳
山川城郭形一片煙蕪綠
西偏景亦佳徧歷意未足
老僧頗解事蔬筍設近局
茶澆舌本甘桂衝鼻觀馥
詩箋碧紗籠西林企芳躅
我今疥壁吟斜行寫盈軸
焉知後來者過讀興感觸
視昔猶視今千古同轉轂
且覆

掌中杯休言客不速

游興猶未倦
暝色凌蒼茫
斜陽隔高塔
青靄沈漁莊
重廡逼秋氣
向夕候已涼
蒙茸理返轡
香積飯不遑
山繙苦畱客
茗菽殷勤將
商量訂後約
月額零清霜
停車看楓林
紅紫錦幄張
藉訪雪峯勝
彳亍循山梁
細讀櫻桃碑
實機和賢王
天光寺在山後殿前立康熙間
大王子游山櫻桃詩
碑寺僧實機同作
今夕縱不永
盍賞寒月光
我輩絆塵鞅
何敢棲禪牀
况復隔重闔
官道修且長
歸歟形贈影
猶戀青豆房
振筆發歌歎
天風吹琅琅

天暮復游遺光寺贈佈林和尚

我正扶藤到
僧將託鉢行
偶然逢竹院
相與話峯晴
棗熟丹砂綴
瓜香碧玉擎
高亭嵐翠裏
趺坐聽書聲

過紫竹禪院僧詢余家世驚曰廿年前借寶公同來之

公子也一刹那頃白髮蕭蕭矣感歎久之並指階前石榴樹曰此猶居士之叔寶心齋公手植花時仍爛漫可觀亦君家故物並言樸齋六兄已化去子孫輩近無來游者因感成此什紀之

佛院傍湖築絲笈秀成林門前大圓鏡波澄堪洗心入門境闕寂豆房晝悄悄低眉佛意靜面古消黃金鐘魚罷擊撞經卷蝕蠹蟬到眼景荒率松栝垂蕭森老僧出迎客茶色壞衲絳清臞聳鶴骨齒白攢銀鉞殷勤詢里閤語作寒蟲吟聞言增慨歎變色生敬欽事過疑閱世逡巡尙堪尋低回憶疇曩甲子歲在壬寶公解組還杖履曾相臨爲覓十笏地借榻思攤衾居士亦陪過玉貌冠華簪相別顰乳頰歲月馳駸駸疾如赴壑蛇一去勢莫禁瞥眼雪盈顛老態倏見侵側聞建牙纛絕塞頡利擒又聞

陸卿貳獻納陳名箴行邊戴鶡冠入衛佩劍鐔朱輪半昆季宣
政輸悃忱云胡厠郎署卑位久滯滯俯仰話今昔吹噓感升沈
余聞惠勤語竟作龔勝暗一笑姑置之浮雲拂高岑照眼石榴
樹根錯殊崎嶇臣叔手親植甘藪法雨淋花光赤瑪瑙翠葉交
繁陰人杳思後哲空谷金玉音覆蕉追夢鹿攀柳變鳴禽吁嗟
剎那頃往事徒沾襟長歌當作記託興亦何深

戒詩自警

垂老精神須愛惜漫因吟嘯更勞心松脂竭髓膏然燭積毀從
來受弊深

鳥瘦郊寒長吉天宦慳朝籍玉谿生騷人際遇多窮阨造物從
來最忌名

秋雨枕上作

晚涼庭院瀟瀟雨掠耳渾疑葉戰風五十年來心上事一齊攙
入此聲中

雨後欲登丹鳳山未果

記昨登臨蠟屐還雲中指點認煙鬟世人漫豔黃金貴祇買青
山不買閒

雲耕二兄

蘇成額

新築園亭雜植松菊命代書楮語感

賦

短墨磨人五十年追唐摹晉笑紛然白頭化作傭書手可賺清
時賣字錢

宦海抽帆夢不驚重栽松菊老怡情季昆愧乏瓊瑤贈墨雨香
霏爍兩楹

肯教符拔混麒麟肝膽平生氣誼真一笑爲兄聊破格代書權

作捉刀人

人創園亭意不如輦花載石費躊躇世緣佛老平觀等題識何妨卽我廬

竹齋遣興

斐几涼生淨埽除風軒向夕竹蕭疏爲防身疾儲良藥肯以官貧典異書有客索詩誇律細無端覽鏡訝容臞路公歲晚勳庸著莫戀雲山早退居

城東題酒家壁

觸暑飛奔十里遙汗珠揮雨腹仍枵蕉衫桐帽無多值貴客何從說解貂

夜至西淀

灌木圍遙村瑩然一盞吐石路歇車聲高原亂蛩語

夏日閒居感賦和松垞弟韻

閒曹索處少將迎欲避驕陽障箴棚債共甌塵排日積官如歷
本逐年更琴音絃外偏多賞棋局心中漫不平五福壽先須記
取順時和衛保餘生

巾幘慵施懶送迎香毛旋縛作松棚炎涼遞嬗天公幻薪米難
籌世態更株守一塵原眼隘曠觀千古自心平勉旃收拾桑榆
景莫戀糟邱累爾生

簾外濃陰眾綠迎覆檐豈必早支棚一襟牛馬方旋磨萬柝蝦
蟆忽報更客況因人殊碌碌臣心如水平達觀天地遽廬
似肯使閒愁觸忤生

和松垞感懷韻

竿木逢場感卅年觀空露電證三千眼空何敢輕餘子囊澀從

來乏一錢雪裏蒸殘迷昔夢火中蓮苗悟香禪白衣蒼狗無窮
幻棋局長安憶惘然

竽濫監州倏有年客來珠履集盈千無多雅癖唯耽酒大好官
聲不愛錢游俠肝腸能急難性靈書畫偶通禪割鷄焉用牛刀
銳遇蹇才長足慨然

如夢前塵感昔年圓明一月印江千柴桑靖節羞干祿花粉平
原索賜錢家計儉時權賃廡世緣濃處欲逃禪汝南品隲全無
據屈指論才益粲然

瘦馬朝京十四年升沈無定閱人千馮唐洛下猶羈宦姪女河
間陋數錢招隱預筭桑落釀尋僧貪話竹林禪退藏微會希夷
旨枯菟吾當聽自然

夏夜暑熱異常書悶

簟席温如炙何來溽暑濃長風高嶺樹圓月夜樓鐘放棹尋茗
雪開窗蔭竹松炎歎期淨滌八部起天龍

和松垞游右安門外增壽寺韻

聯轡度城坳清華敷近郊綠陰無路入白板倩童敲穉稷堆牆
角瓜壺絡竹梢如何萬人海方外有心交
雨過峯凝黛開簾萬笏迎松高雲嬾住蓮淨佛多情菰葉橫塘
碧漁標隔水明蟬聯村十八花事數西成

崧亭十弟新葺易安室喜題

圭璧持身節操堅熱官也乏買山錢區區拓得園三畝草草脩
成屋數椽窠石翠涼苔暈雨虛窗青巾樹流煙達觀斗室堪容
膝豈必干雲甲第連

試許萼園筆

叔則孟皇傳舊法多君毛穎製尤工蘭亭初搨差相似寫到剛
柔恰適中

澹園漫興和王半山韻

雕龍技擅壓西江磊落情懷得酒降綠繞名園誇第五朋來國
士詔無雙鏡潭春寫光搖檻竹館涼分翠影窗焉得簿書咸就
理羊求相過倒雞缸

贈潘孝廉

曾登

昆季疊前韻

名士從來半過江龍文才譽孰能降紅牙細譜珠盈串玉季相
依壁一雙荷榭雨涼香挹袖藤陰風度蔓繁窗稍遲桑落新筠
候可許追陪倒酒缸

山莊漫興

華髮年來不滿簪虛堂覽鏡獨沈吟功名未敢輕諸子通塞何

由問六壬高柳一蟬風外曳南塘萬綠雨中深
會心語默皆關道瘦策何妨試過尋

曉出東便門

中車衝淖過東城
頰尾霞烘喜快晴
第一風光忘不得
綠楊陰裏喚船聲

尖頭杉屋築高低
夾岸菰蘆翠毯齊
一棹斜陽初轉處
濃嵐潑黛壓城西

漁娃生小住橋邊
結網罾漁日賣錢
共說今年秋雨足
高荷紅過鷺鷥肩

北人難得駕扁舟
偶泛輕舸當出游
七里春塘簫鼓競
繁華應遜此清幽

二閩不到已經五載
偶偕五姪

延志

泛舟喜而有作

輓紅京邑苦塵埃特借波光洗眼來
運米船停人似鷺膾魚羹
美雪成堆隄沿叢荻青遮幕
開東奔湍響殷雷五載未經河上
走買舟閒泛老懷開

題卓海帆太僕考牧集

考牧烏桓記昔曾行邊
丹絳寵初膺空羣妙選
天閑駿較獵新調瀚海鷹
輸費名王供乳酪賞功圍
牧有金繒文臣按部從君
始早繪恩榮覓剡藤太僕寺均齊向係滿卿充使漢臣查馬自公始

澹園西偏有隙地數畝荒穢不治久矣辛巳冬余自豫
還京家居無事命園丁埽除而墾闢之雜植秔稻蔬
菜近今十三年來土脈腴潤榆柳茂豫因高曠地構
堂三楹取蓮花經語顏曰味雨堂南小坡陀築話山
亭於顛以供延矚邀姚伯昂太史吳蘭雪州牧徐星

伯太史作詩酒之會雖處人海中蕭然若山居風物
時與黃子芳茂才金讓水孝廉徘徊畦隴間意甚樂
之因念蘇集中黃州東坡八首雖遷謫之餘恬然自
適不爲外物所撓非有得於中者能之耶不揣謏陋
勉和八章亦各言其志而已

園廢久不治沒人半青蒿教僮闢汗萊敢辭筋力勞剔穢疊畦
稜田鼠倏已逃耕耨勤灌溉下隰土漸膏翦棘刈豨菘芟穴如
牛毛田疇苟能力積粟京坻高

種植富方法物性隨所適町畦蒔葑韭原隰樹梨栗堂前有餘
畝菊苗向僧乞只圖秋芳鮮照眼暢情逸位置擇爽塏茅葺早
成室桔槔灌連筒甘冽導泉出雖云乏蓋藏果腹期可必

昨買丹鳳山地隣九峯背疏鐘警塵夢喬松俯蕭艾近傍山澤

癯遠避錢刀會燕山古石塘雲根聚礪塊

地卽燕山古塘素行多大石見舊聞考

當賦招隱結屋白雲外幽磴鑿欽崎繁林刪翳蒼胡不早歸來

郭西有山在野雉佐庖羹漫想鱸魚膾

高亭冠岡南佳景燦可數小額顏話山園丁時共語犂鋤待耕

耘農事次第舉東菑日初昇爨煙紛白縷秋成獲實多瓜壺相

倚拄禾黍堆廣場揚簸撒乾雨倉箱慶斯千白粲照簫篴始信

食爲天給足賴田土鼓腹聽衢歌誰知俗事許

灾祲憶猶痛共言昨歲荒赤地繞畿輔西成竟無望稍喜今歲

豐錫福謝彼蒼滯穗盈畎畎五穀俱丰昌芻蕘亦已足惠澤及

豕羊稽首叩田祖神貺曷敢忘

充羞藟當剝裁輪櫟堪斲樹木十年計此論最懇君看貴胄

裔中落等飛電惟有事畎畎農圃最堪學我負向平累邀游遲

才力不富年三十三
X
上
三

五岳崢嶸方寸間胸襟徒卓犖今年幸有秋甘雨應時渥秔稻
喜登場穰稔堆牆角

吳子牧黔陽久別梅花村姚公青雲上聽履傍星垣獨有笠耕
叟種菜閒抱孫山莊延眾綠風梢打柴門索居今雨少誰復過
慰存種秫蓄酒材刈稻充盤飧高蹈郭林宗漫與許史論幸挽
孝廉船相羊如季昆

黃生湖海士相交廿餘年饑驅走京洛冀我分俸錢客歲值荒
歉不稔空有田歸來鐙火親下帷守青氈垂老彌勵學疇如伯
業賢羈愁有時豁斗酒沽十千

同懷弟法良校刊

男崇福謹校重刊

抱冲齋詩集卷二十三

長白 斌良 笠耕

粉署趨承集四

西方寺在昆明湖旁院中舊植凌霄花一株本大於臂
花開如盤孟牽連直上古柏端金英耀日翠蔓籠煙
是數百年故物爲燕京所罕觀余前於嘉慶丙子夏
觀察曹濟見濮州王穀原舊第舍西亦植一株頗嫵
媚相傳明隆慶時舊種然猶不如此株茂豫近惟極
樂寺僧養一二本率皆纖弱無足觀者乙未閏六月
十七日雲司散直入寺見花賞歎不已作長歌紀之
並柬葉筠潭鴻臚劉孝長孝廉同作一篇爲名花寫
照他年日下舊聞應增佳話云

香風駘石湖孺路稻隴縱橫細泉注廊餐纔罷得委蛇桐帽櫻
鞋趁閒步青龍橋側延景光濃嵐灑黛環漁莊茅檐高下沿堤
築灌木陰中古寺藏意行曳杖剛亭午殿脊林端鷲遙覩參天
濃蔭綠雲遮未到寺門先見樹雙檜相傳五百秋搜拏老幹肖
蟠虬佛嫌獅象當門立故種優曇殿兩頭謁來新甫遺蒼柏旋
螺左紐苔痕積雨皴青溜蟻穴穿鍼攢碧訝鶯毛摘柏根詰曲
盤凌霄錦雲旖旎縈煙梢臨風纖影漾婀娜信口香隨鴛耨飄
神光離合形難寫紫唇色豔紅鑪冶近映金容滿月圓倒懸鉦
面朝霞赭弱莖篆裊繞周身蘅杜葳蕤許結隣恍惚巖阿嘯山
鬼蘿裳薜帶相依因又疑入夢金山高丈六天姿玉立神雍肅
瓔珞垂胸寶相殊玲瓏瑣鏡鬘絲簇此花燕都見亦稀海棠穠
麗山樊肥何如通理具正色菊園品格差應微憶昔濮州行館

見穀原王家好庭院柔枝蜿蜒繞驚蛇璀璨奇花屋山罇復有
極樂寺裏講堂東兩株絲縷驕春風苾芻矜寵誇婉媚圓朵錢
屢朱竿籠那及此株最芳婉幹粗於臂花如盃開時佛座透香
雲翠蔓金英新濯澣嬌黃顏色費形容杏子太深葵藿淺我今
相賞漫遷延花房恐並斜陽轉年來萬事坐疏慵詎獨看花約
偃蹇愛花無計託相思不侑以酒賞以詩玉卮吸飲易盡佳
篇遠播花名馳可惜曹司事填委清標翻讓山緇持誰爲仙葩
發精奧嘉招詞伯同賦之葉鴻臚劉孝長詩筒疾置須來往更
攜茶具坐花陰吟到花梢月初上花開易落花看難久復爲珍
醖籌不朽荃熙妙手繪作圖懸向中堂千萬壽

贈黃子芳

濟世參苓豈藥籠三年京洛感飄蓬史才久豔劉中壘經學今

推鄭小同岸幘孤斟蓮釀白下帷貪讀夜鐙紅青袍郎署猶趨
省羞對雲間陸士龍

得崧亭十弟蘭州寄手書感賦

一紙書來帶塞塵到時季夏別初春盤車跋馬經秦晉萬水千
山歷苦辛我坐竹齋成幸草君馳葱嶺困勞薪懸弧須識男兒
志莫歎籌邊歲月淪

連日暑熱夜涼喜題

涼意襲輕衾睡味甘如齋檐端乾雀噪啾啾殘夢裏竹枕滑凝
脂桃笙淨鋪水四體舒且便棲神靜堪喜憶昨苦炎熱蘊隆威
莫比火雲蒸肉山漫膚汗流泚置我炊甑上景況差足擬清風
招不來紈扇揮徒爾那有珠招涼虛齋亦披靡何期一宵隔風
氣頓改矣炎涼翻手閒世態亦若此諺語嘗有之深情合鉤揣

三伏百日後層冰結寒沁寄言素心人善待良有以斯理否乎
然請問希夷子

曉過味雨草堂散步

秋懷縈淡沲老眼拭麻茶樹巾亭三面苔荒路兩叉鈿裁河鼓
子穗結水蒨花斯事差堪喜經年未別家

偕僧普瑞游昆明湖並柬碧峯和尚

俗氛填委迫胸臆欲暢煩襟苦逼仄昆明煙水冠燕南腰笏過
尋時莫失翻從方外覓知已緇衣掩映湖山色削白鷺股啖亦
佳羹蔓菁羹口還適精藍小坐淪香茗玉泉芳冽尤奇特步橋
循岸歷幽深水枕嵐衣環眾植官禁拏舟游未暢極目滄浪空
散息散懷藉得知民艱紫翠林中看耕織人閒華廡眾爭取勝
景獨探容著力癖性狂師謝客兒莫被人呼作山賊歸來秀句

帶芳鮮闔苑風光任雕飾多生綺語未能忘阿師見怪理亦得

李述亭郎中贈佛手賦謝

輓紅十里遙飛鞭籜籠尙帶津門煙芳馨透函冲鼻觀旃檀嘉
種羅綺筵玲瓏妙相攢纖玉蒸栗黃伴芬乍觸香色端宜合十
迎楞迦密闢拋金粟竭來忉利毓奇珍勝教還教僂指陳握珠
沉瀝殊仙掌駢拇兜羅示淨因故人拳拳遠持贈拈花真諦菩
提證文章木瘦悟枯禪指彈見出華嚴境

八月廿日夜夢與燕山弟握手情話恍如去年入覲同

宿大樹庵風景醒而窗外秋雨瀟瀟頗難爲懷書寄

洛中垂老弟兄相憶殷拳想燕山亦同此情也

至人本無夢夢自生於想亦知夢非真想結夢隨往夢境渺虛
幻因幻成實像實相復歸虛究與真相彷彿至誠默感通示見捷

影響矧茲手足情得無託精爽燕山吾愛弟同母鳳雛兩相依
爾同功出處勞倚仗宦轍各東西廿年事鞅掌那得聚一堂衷
懷徒快快昨夜夢見之風景宛疇曩彷彿住蘭若珠履集紛攘
長身儼鶴立瀟灑披鶴氅金鑣促稅駕聯步螭坳上握手挹蘭
芬丰度玉山朗事煩勞擘畫論碩欽忠讜欲別承明廬離魂黯
然蕩白雲渺難追風木增悲愴伶俜吾與汝門闕支持疆而我
雪盈顛郎髻鞞塵鞅此別難爲情綆糜淚咽吭老僧善慰藉都
籃陳栗椽設爲頌禱詞荀龍盛詔獎指日八州督入觀龍光仰
後會諒非遙何須齊悵惘此景大樹庵昨年別慨懷精魂鬱結
撰夢境成惚恍癡心學黃鵠奮翼游莫廣瞬息荏梁園誰言駕
難枉抵足共聯牀青鐙話書幌斯境能與無設想吾其儻窗外
雨聲稠沉味彭城傲清吟寄纏絲魚緘達蒼莽善保千金軀順

時頤詩卷

靜鷗亭小坐

涼思清晨滿高榆映一星雨聲黃葉寺秋氣白雲亭神定功能
滿心虛用最靈乘時觀物化妙契偶書屏

阜成門外偶然得句

猶記燒鐙暢好懷踏歌輾繡一條街鬢絲暗逐秋風老忽漫新
霜點綠槐

晚過萬壽寺偕僧體輝茗譚

薄暮尋幽若掩靄日將夕威紆遵渚長滑笏澄波碧意閒趣彌
永地偏情倍適灌耳斷市聲迎眸秀山色礪砢石牆環中藏古
苑迹溪喧聽漸近聞東奔湍白指點訶樹林扶筇住雙屐
山僧下階迎攬袂意多欣云何月兩弦未挹旃檀芬得無執刑

柄竿牘羅紛紜譬彼切漢嶺致遮出岫雲呼童具茗椀茶醞醜
醜熏十笏地軒做灑埽猶精勤釘壁阿吉書筆陣凌千軍奔騰
突龍象古茂儕皇墳庭中聯韻吉如二弟霍隆阿書甚佳余獨愛家雞野鷺庸足
云竭來事游觀繞屋聽泉沄七松交冷翠一榆臥秋雲樓角杵
鐘殷勝果真聲聞後約菊花時重尋集展裙

秋日悼黼齋八姪

延祿

阿咸舊歷竹林盟忽漫騎鯨上玉京長爪通眉勞夢想秋鐙夜
雨倍傷情最憐嫠婦空帷守幸有嬰媿入掌擎頭白昌黎憂結
轆不禁鬢雪爲伊盈

題余樹人

文植

嶺表探奇圖

選勝宜何處灘江得大觀劍峯攢足底雲海盪眉端側笠天風
峭扶藤翠蘚圓南宗開墨鏡邱壑久胸蟠

三絕詩書畫一行來去今壯游增慷慨古趣獨謳吟燕市酒人少鶯湖漁夢深家山歸自好鄧尉有梅岑

題樹人藏葉氏風滿樓雲林硯拓本

硯長一尺高一寸五分硯旁左項子京圖書二陰文子京之印陽文墨林祕玩背刻清閣閣圖印右刻水繪園冒氏家藏下有長印刻陰文巢民珍賞

品重韓陵片石奇拓來清祕舊紅絲皴文折帶添焦筆想見如金惜墨時

題樹人焦山周鼎拓本

翠墨新圖得寶歌姬周籀篆細研磨調羹曾歷鈴山處人鑑長懸萬古波

金山寶藏寺西有泉甚甘寺僧養桂百數十本花葉茂

豫如江南京師貴游盆桂悉僧培養作詩紀之

山僧養桂如養兒護持灌溉方法多崦岷小築藏花密溫暾一
室含春和豪家貴客爭延納輦送盆花到巖下精藍換得小山
秋招隱淮南此其亞過客看山還賞桂裙屐聯翩遊逐隊快披
黃雪一襟風鼻觀香生起涼吹人說山僧善養花成春著手燦
雲霞誰知貞性宜高嶺土淨泉甘長蘂芽君不見香山峩峩玉
華岫萬桂扶疏依眾縹清芬雲外偶飄來香滿前村襲衣袖故
人遺我雙桂株付與西山老苾芻箋天有願向佛請乞花繁衍
金粟鋪噫噫乎羣生切莫廣造因多生煩惱迷根塵誰教十笏
清涼厂輦桂紛紜集畫輪

晚出西直門至大樹庵宿碧峯上人禪舍次日入直口

占十六韻

夙夜寅恭切驅車底事忙未嫌西郭遠陡覺北風涼
油幕教深閉衣絲幸早裝餘霞朱綺散列岫畫屏張
人語河橋鬪輪喧石路長遙村延暝色破屋透燈光
鴉點渾疑雨烏嗝乍隕霜不妨金闕彥偶宿竹林旁
老衲敲門應雛僧淪茗嘗蒙茸攤襪被次第撿裘裳
落葉秋窗撲寒蛩蘚砌長心空無罣礙體億減思量
周顛常飯佛馮唐老署郎馬嘶知入直魚貫已升堂

詔許金雞放名休乳虎當

恩覃三宥廣赦典愼稽詳

晚過遲雲樹

半林黃葉飄秋雨一桁朱簾捲暮煙脈脈心情誰會得
昏鴉歸後上燈前

澹園西偏壺齋前有松一株爲豐林遮蔽雨露鮮沾對

此感賦爲蒼髯叟一伸其抑鬱云

雄姿多拂鬱
過蔽眾林陰
難遂干霄志
猶懷濟世心
冰霜森鵠立
風雨助龍吟
獨有支離叟
相看感不禁

晚入龍泉寺

夕陽低古寺
下馬入香林
落葉空階覆
寒鐘遠樹沈
僧閒談舊事
客到散秋心
澹對無言菊
同參佛意深

重陽日林湘帆主政

綬趙少餘主政

鏞邀同介堂郎中

蘇彰阿

式瞻員外

英勳

李方赤郎中

璋煜

方仲鴻郎

中用儀

熊子謙員外

光大

沈蓮溪主事

濂

宋雨人主

事沛霖

季庵員外

桂哲

史蕉圃員外

致蕃

端圃郎中

慶倫

周芝生員外

祖植

暨余十三人集龍樹院看山

樓復升凌虛眺遠還至萊葭篠賞菊小酌至暮始歸

卽席四律

指點山樓畔先余有客登入門清興發開閣妙香凝紅惜霜楓
染青涵翠黛蒸幾多懷舊感振觸昔游曾

柿葉題新句梅花夢故山

謂月亭上人

雲司得瀟灑佛院極幽閒妙

墨成陳蹟寒花破笑顏近參無上諦綺語竟須刪

妙構三閒做醞醪四座傾蘆蕪晴雪影松籟暗泉聲雕俎參差
列名葩次第評快游拌挾被遑問隔嚴城

極睇江亭上攜尊客亦豪車麟盤埭曲帽脫立風高穎銳挑詩
壘杯翻汗錦袍且畱鴻雪爪佳會記題饒

九月十一夜抵大樹庵訪碧峯和尚不值院靜無僧寒

月流天松陰滿地極蕭寥闕寂之況余顧而樂之遂
下榻西禪舍時龕燈初上梵香乍聞檢案頭夢堂諸

老集中游竹隄因仿王再軍舊韻作古詩一章畱題
壁間並贈碧峯代簡

到寺已深更
曉浮暝色霜澄
月子黃松冪秋煙
碧車韻折虹
橋稅駕深巷
僻履踏落葉
乾半掩蒼苔迹
滿院佛香凝
竹梧韻
蕭瑟山僧出門去
言訪譚禪客
香霏裊篆紋
簾縐宛
篔簹積
鑊子
挂經寮
楞嚴收講席
菊枝瘦於人
孤根倚拳石
院靜本無僧
眷
茲景岑寂明發人
海中斯境儻堪憶

題大樹庵西禪舍壁

廿載圓庵住
頻來定有詩
清言隨境改
淡墨半牆敲
袍色如松
碧霜痕染鬢
絲楞嚴八千偈
眞諦本無詞

不寐

倚枕不成寐
騷人感獨深
蹉跎招隱意
寥落濟川心
星動長沙

影風傳露鶴音聞雞增壯志匣劍自龍吟

書西禪舍壁

寒峭屋廬清攤衾夢不成窗虛添樹影葉脫減秋聲富貴浮雲
幻心光片月明我無田負郭豈易說歸耕

題劉孝長孝廉雲中集卽送其還楚

今之詩人昧探討滑稽餽飭紛殊科如簞鼓盪鳥轉吮碎錦組
織龍騰梭詼諧嬉笑雜嘲謔瓦鳴鐘毀詩成魔曼倩口給半隱
謎狎呷牙幻令壺歌動摹西崑效獺祭擣摺稗史恣研磨逞才
數典辭害意目龐五色蟠蚪蚪或託高格仿陶謝太羹元酒希
冲和徒具膚廓乏精蘊左抽右取中無他詞章正變隨運會江
河萬古源逶迤開寶乾歷別門戶瀛熙嘉祐交譏訶苟非卓識
別宗派珠光魚目同淆訛綺緝迴異織巧葦雄深獷悍幾微瘥

失之毫釐謬千里如導清潁分濁河奈何說士但皮相耳鑿贗
鼎貪摩抄虛聲純盜高位置麒麟空梭迷晴暎南徐東馬互標
榜鯽魚名士何其多粉飾固陋駭流俗凌轢庾謝誇東坡惜無
壇坫振聾聵淫哇力屏消沈病榻來意外覲佳士嚶鳴求友飲
婆娑博學夙推劉子政楚材梗梓青霄摩雲中一集寶雄放經
腴史雋胸駢羅心花結撰出新意吐棄凡近擺白窠俊如雕鶻
挾風雨猛如賣育鏃矛戈疾如銅丸注峻坂險如梁洪急旋渦
幽并老將好身手槍標十盪看頃俄大氣盤旋任揮灑劍器瀏
灑隨手搓百鍊剛化柔繞指獨超眾嫖研脩螺美人香草半託
興江潭孤嘯真無那浣薇雒誦勞夢想書門皇甫親相過豐宜
門前勝煙水鷗盟接席森蒲荷迎涼藕榭碧筩捲輕衫圓笠偕
鳴珂談詩說劍有底急前塵莫挽交噓呵雲司從事政紛沓那

暇日造相切磋襟期未罄接離緒春明揖別驅青羸琴書捆載
下湘漢皋比歸擁紆絲綬英才樂育品殊雋冕飛奚必長松哦
好官不過得錢耳簿書填委頭先皤何如首簪盤處儉爬梳經
義崇孔軻新陰喜見植桃李作人壽寓慶菁莪方今四海樂清
宴歲不我與休蹉跎黃鵠爪距有時奮干鏌耀彩奔蛟鼉劄詩
緝頌勤礪乃休明鼓吹功峩峩藻詞投贈荷期謝閱義正大無
偏頗名鸞肯爲駸鼠發晚節我自防跌蹉主恩未報敢投劾鏡
湖漫乞披漁蓑報瑤長歌交勉勛贅語拌教嗤疥駝

試紫穎贈筆工許小萼

赫蹏揮徧禿秋髯剛健婀娜二妙兼助我詩名滿京國多君材
選極精嚴

雪堂研律眊雙睛珥筆金菴畏後生略彷彿蘇贊俞俊一時李

葛漫齋名

味雨草堂竹鶴和東坡綠淨堂竹鶴二絕舊韻

味雨堂前竹新梢翠拂雲清風偏眷我勁節獨憐君

味雨堂前鶴紆迴步繞軒月明寒警露應笑客無言

徐蓮峯太史

寶善

以素冊索書近作賦贈

袖來素冊研光勻脫手珠璣喜照隣漫說將軍工競病略同開
士悟根塵長安裘馬親朋貴盤谷風煙草木春多謝故人期許
意雕蟲羞對鬢毛新

消寒賦京師食品和蘭韻堂集中沈雲椒先生聯句舊

韻

玉田米

秋稻東京穫村春遶遶聲穿珠輪湛粒種玉協嘉名色瑩連盃

白香吹溢甌清皇莊雲子熟鶴俸羨囊盛

豐潤漚酒

種秫傳方法新芻醞釀甘滄涑品尤雋玉雪色同含卜夜聯三
雅沽春啓一甌圍鑪共斟酌燕市助高談

房山炭

裡炭燒何自房山翠麓中獸形模獨異麝劑熱旋融鷺袖香籠
密甌薰燄灼空十年遲相業煨芋撥鑪紅

密雲藁本香

艾納檀州種疏莖挹靜芬鷺黎芳迴別甌藻品攸分寒沍梅窗
月煙霏茗鼎雲辛年記行役采采傍斜曛

固安栗

畿南蟠社栗園古少陵稱紫縐中單襯黃紱暖玉蒸擔頭涵夕

照巷口透秋燈
輦釜搏沙煮餐英
典共徵

遵化縣梨

秋實駢佳果
傾筐摘未完
枝柔黏紫蒂
顆重疊黃團
漑露浸喉潤
瓊漿沁肺寒
笑憑兒女索
和棗釘牙盤

寶坻銀魚

衛河誇小白
錦隊素鱗移
絲網牽相混
澄波泳不知
食方瑤柱雋
盛藉玉盤宜
雪色淞鱸亞
歸思動每疑

昌平黃鼠

碩鼠黃花色
冥搜古鎮旁
俊宜登客俎
黠慣嚙胡牀
膏較果狸嫩
腴兼竹颺
嘗鼎烹鄉味
美樸野慕羲皇

安肅菜

燕產饒佳藪
鷲黃茁嫩芽
禦寒深覆窖
侵曉送連車
翠擷畦千

棧香披葉一了幸民無此色歲稔信堪誇

采育里山藥

風味山家好鴉鋤藥初截肪扶寸短脣玉糝羹徐壽並黃精
餌醫傳綠字書曹司羞肉食茹淡漫求餘

樂壽軒久荒廢可盪葺而新之題句落成余喜和四章
迂浦歎山屋數椽修治鶴俸想應捐鴉盤瘦點昏如繪松夏寒
濤靜訝泉吞益唐花馨斗室心光明月印前川拂檐高樹還依
舊雪瀨盟鷗愧壯年

落成心事筆如椽騷雅都官未盡捐自寫屏風摹祕閣共馳文
陣快奔泉窗含遠岫宜微雪屋像虛舟濟巨川童龕釣游談曩
昔僧虔蠟鳳憶當年

畫園喬木被修椽乍喜塵紛淨滌捐開對溪山安筆硯漫論食

貨重刀泉等身緇帙追前古勵志功名感在川歲月奔輪遮不住
住傷瓜祀竈近新年

漫羨凌雲碧玉椽薰修慧福不唐捐疏香暗透梅移月寒溜遙
通竹澗泉惠子觀魚悟濠濮文同燒筍畫洋川鐙窗炙硯題新
句臘鼓聲中似去年

新春瓶齋晏坐

煙林風定聽無聲孤坐心光片月明江海幾人懸夢寐漁樵何
處著柴荆鐙前竹筍千秋葉雪外梅花獨往情閉戶蕭齋應有
待花鬚柳眼仁春生

春寒閉門枯坐偶然感興作

惻惻輕寒嬾出門攔堂辜負宴芳樽春風似翦穿簾隙夜雨如
酥潤石根繡陌錢分看白打綺窗花暝度黃昏青天碧海情何

限寂寞蕭齋孰與論

感事偶作

蒙密千章灌木攢蒼顏玉立奈高寒堅持節操良非易再造邦
家事大難眾口呀咻金可鑠一心貞白璧終完不爭尺寸爭千
古蠅蚋紛挐拭目看

易以俟之之居夜坐用陳簡齋春日舊韻

一穗燈紅語夜闌重簾隔斷雪光寒硯冰初釋墨猶潤瓶水頻
添花耐看通沉蜂窠成百孔世情鳥道鬱千盤杜陵飯顆憐詩
瘦識字殷憂自肇端

二月六日出宣武門沿河過西便門至天王寺煮茗小
坐卽事書懷晚歸得詩十九首語不求工權當竹枝
棹歌之作聊寄一時之興趣耳

垂楊絲裊夾通津
凌室冰藏近水濱
一輛柴車宛舟蕩
鬪人掬水濯雙輪

春波浩渺拍長隄
凍解泥融印馬蹏
一塔孤標穿樹杪
萬峯疊翠壓城西

春冷燕南綠乍回
疏籬缺處小桃開
眼前風景皆佳句
那有閒心體會來

萬松如海環蕭寺
遠阜如山夾古隄
雙翦紅襟高下影
誰家燕子啄芹泥

大地春回眾綠中
一年生計祝東風
瘦根詰曲蒲包裹
老衲移松塔院東

豆房深處靜無譁
瓶拂精嚴戒律誇
松火瓦壺天落水
雛僧畱客煮新茶

萬疊西山潑眼青
短牆曲繚肖圍屏
縱橫畦隴紛紅綠
誰把香茆縛箇亭

種石蒔花養性情
禪房瀟灑篆煙縈
長廊新築通香閣
圍住松風遞雨聲

石橋委轡聽溪聲
眯眼塵昏久厭晴
伫待及時甘澍灑
青陽甲坼一齊生

沿陂瘦轍劃斜陽
松頂觚棱塔影長
門換桃符堂易額
西峯依舊似前蒼

老馬頻經識舊途
柳煙沙雨望模糊
近拈佳句通禪悅
佛說不如詩也無

綠漲如油乍泮冰
裙腰草色接畦塍
家家養鴨分門戶
都向河心界一繩

萬瓦魚鱗抱曲隈沙平馳道絕塵埃
鳴鶯抹電飛驃騎多向城南馬射來

棗林環隴望周遮酒幔河橋影半斜
小景惠崇春一幀桃花村落野人家

眾愿庵雷護輕寒闕寂青駕得靜觀
翻遣山緇作檀越資甌爲我植春蘭

瑣窗齊拓望玲瓏獨有西堂位置工
者幅幽風好圖畫等閒收入一窗中

山緇苦寺未嶙嶒廣募金錢土木興
古佛雲中應冷笑換來方丈萬千僧

荒雲斷塔認鸞歧稚子窺人慣闌離
記得茅茨山屋角夕陽立馬讀殘碑

華雨維摩古道場不聞梵唄但聞香千間夏屋環蕭寺半是花房半紙坊

吳荷屋中丞

榮光

內召還京擬到時同聯詩社

名卿翰墨灑淋漓春蚓秋蛇運筆奇解組言歸吳季重早來同賦海棠詩

讀近人詩偶然有會

和油入麪味難勻到眼千篇臭腐因燕瘦環肥同嫵媚各人面目各精神

題月山尙書

貴慶

醫無閭山紀游詩後

選勝心雄碧海深天風側笠入清吟高蹤各自堪千古詎必名

山屬賀欽

元相耶律楚材自號湛然居士曾隱居醫無閭明給事中賀欽亦隱居此山先生有湛然居士高風在不

許名山屬賀欽之句因釋其意下一轉語

東丹招隱舊書臺
裴菲纔成去國哀
見壓大山愁力弱
御容朵

殿夢飛來

望海寺爲東丹王藏書處東丹王爲遼太祖長子封扶餘國王遼祖殂次子德光立疑東丹王後唐明宗

招之王題詩云小山壓大山大山渾無力羞見故鄉人從此投外國乃攜高麗美人浮海而去御容殿遼人祀東丹地也

黃間穀滿挽千鈞
刻畫煙霞景逼真
讀到瀑簾飛雪句
宛然身

嘯海天春

先生石棚觀瀑琢句神奇如注瀾鳴奔湍隨風颺飛沫萬影下如潮滿身涼翠激始悟月已升光爲瀑簾奪等句狀難寫之景如在目前較客兒游山詩更爲奇特

博徵詩補元構
杌斝水模山孰比
肩元相有靈應
撫掌衛民仁

智得公傳

先生詩載元耶律楚材事實甚詳瞻如見角端勒太

訪素王後裔等事

又於湛然居士集中舊句問山舊隱天雁遠藉以考證元相招隱之地皆可補元史之缺

無間曾憶訪招提
桃洞烘霞影曲谿
卅載摩崖舊題字
苔茵翠

蝕蹟應迷

余於嘉慶十年恭送實錄路出營無間山曾游觀音寺桃花洞諸名勝今已卅餘年矣

北鎮封崇五岳侔

金泥祕笈擅千秋
櫻欄殿刻元碑古
誰拓鷗

波妙翰適北鎮廟元趙孟頫書樓閣殿碑記甚道媚惜塞外無搦手拓碑寄京為恨耳

雙鬟傳唱徧旗亭心折佳篇感鬢青讀罷幡然成一笑坐中人

即是昌齡前歲客有潘陽來者傳誦大凌河題壁有過客每嫌誦之雲溪笑曰是余咏禿老

婆店舊作也可作吟增佳話

一卷清詞雪沆腸盥薇雜誦臥清宮騷壇羽翼陳無已省卻傳

鈔十手忙闕山紀游詩先生及門陳應春渠所刻卷中有贈陳州牧詩

賦答汪少尉增

偶緣選勝遞吟箋恐負嘉招幸未然草曲春光剛九十永和禊
事繼千年竹林嵇阮堪招隱蓮社宗雷總好禪瞥眼綠雲蕭寺
擁相逢莫笑麴車連

同懷弟法良校刊

男崇福謹校重刊